

A 45157



UNIVERSITEITSBIBLIOTHEEK GENT



90000

oogle

Et illi loci in Bruxellis

LE

DODECHEDRON DE FORTVNE.

AX

LIVRE NON MOINS PLAISANT & recreatif, que subtil & ingenieux entre tous les jeux & passetemps de Fortune.

COMPOSE' PAR FEV M. IEAN
de Meun, du regne du Roy Charles le Quint,
& de nouveau mis en meilleur
ordre par F. G. L.



A PARIS,
Chez GILLES ROBINOT, rue vieille draperie au plat d'estein, Et en sa boutique au Palais en la petite Gallerie.

M. D C. X V.

Digitized by Google

ANNALS OF THE

ROYAL CANADIAN MOUNTED POLICE
FOR THE YEAR 1910

PUBLISHED BY THE
QUEEN'S PRINTER



ADVERTISSEMENT AU LECTEUR.

L A Curieuse superstition (amy Lecteur.) des anciens trop cupides, & affectionnez, de sçavoir leurs adventures : a esté cause de faire inventer, & desconuirir vne infinité d'especes de diuination, ou sortileges. Les vns par les quatre elemens, dont sont procedez la Geomantie, Pyromantie, Hydromantie, & Aeromantie. Autres par les animaux, dont sont venus les augures, auspices, & aruspices. Autres par Idolatries & sacrifices, dont pro- viennent les Arioles, Pithonisses, Sorciers, Vaticinateurs, faux Prophetes, & semblables. Les autres ont pris argument de diuination sur la figure, & delineamens de l'homme : dont est procedé la Phisionomie, Microscopie & Chiro- mantie. Les autres par constellations, & superstitieuse annotation des signes & maisons celestes, s'efforcent predire tant en general tout

tes choses à aduenir : que particulièrement sur
la natiuité d'une personne, le cours de sa vie,
& fortune, signamment les Genethliques, &
professeurs des Mathematicques, Horoscopie,
& Astrologie iudiciaire. Aucuns ont trouué
quelque diuination par les nombres, dont pro-
cedent les sorts Pythagoriques, autres par let-
tres de l'Alphabet, ou vers Poëtiques : com-
me les sorts Homériques & Vergilianes, mes-
mes es psalmes de Dauid. Les autres par figu-
res, caracteres, & inuocations d'espritz com-
me en la Magie & Necromantie. I'ometz la
Cabale des Iuifs, & autres infinis moyens
de diuination excogitez tant par les hommes
que malings esprits. La pluspart desquels a
esté curieusement recherchée & spécifiée par
le docteur Rabelays en son Pantagruelisme. Et
combien que facetieusement, & quasi par mo-
querie il les mette en auant : si est-ce qu'il n'en
parle point sans propos, & que souz telle fa-
cetic ne se puisse descouurer beaucoup d'erudi-
tion. Il y a encores d'autres moyens de diui-
nation, qu'on appelle Sort, lesquelz n'ont point
esté trouuez si mauuais & pernicieux en la
profession Chrestienne, que ceux dont i'ay par-
lé cy dessus. Mesmes S. Augustin dit que le
sort n'est point mauuais, quant on en vse pour
entendre, & scauoir la Volonté de Dieu sur

li. 3. cha.

5.

an. fors

on est.

5. q. 2.

une chose humaine qui est en doute, & de fait se treuve en l'ancienne loy Iosué auoir vsé de sort pour descouvrir celuy qui auoit preuariqué le commandement de Dieu : & aduint que le sort tomba sur vn nommé Acham qui confessa le fait : & fut lapidé. Semblablement Saul vsa de sort par lequel il cogneut que Ionathan son filz auoit fait l'offence publique, dont le vouloit faire mourir, mais le peuple le sauua. Le sort aussi tomba sur Ionas, en fuyant la face du Seigneur & fut geté en la mer, & deuoré par la Baleyne : & S. Mathias fut appellé, & esleu par sort à l'estat Apostolique. Et, toutefois telle maniere de sort encores que les antiens peres en ayent vsé, est maintenant repprouué en l'Eglise, par les constitutions canoniques. Car cela peut au-cunesfois venir à telle superstition que les fideles pourroient idolatrer, & contreuenir au premier commandement de Dieu. Or pour venir à nostre propos, ie treuve qu'oultre les sorts & diuination dessusdites. Les anciens ont inuenté plusieurs ieux de fortune, plus pour plaisir, & recreation : que pour en tirer à consequence aucune chose de verité : lesquels s'apelloient ieux de hazard, ou aduventure, comme les ieux. Tessaræ, Talorum ou Taxil-lorum, Doctohedron, & Dodecahe-

dron ; l'instrument desquelz se figuroit di-
uerſement, comme on vouloit diuerſifier le ieu,
& non ſeulement pour la forme du dé, mais
auſſi pour la merque : car en aucuns y auoit
tant ſeulement des poinctz, es autres des fi-
gures numeralles, es autres des lettres, aucu-
nesfois des mots entiers, autresfois des figures
celeſtes. Meſmes, j'ay veu iouer au Dodechedron
merqué des douze ſignes du Zodiaque, au iect
duquel on eſtimoit conſiſter quelque diuina-
tion. Ie ne voudrois pas aſſeurer (comme auſſi
il n'eſt vray ſemblable) que les ieux des déz
ou du biblot & ſemblables ieux de hazard
dont nous vſons a preſent, ſoient telz que
ceux des anciens qu'ilz appelloient Teſſaræ,
& Talorum , combien qu'aparentement les
figures ſoient ſemblables , Et n'eſt à préſu-
mer que de ſi grans perſonnages, en euſſent eſté
ſi curieux : ſ'il n'y euſt en autre grace &
ſubtilité qu'il y a de preſent. Car il ſe treuve
eſcrit en la vie de l'Empereur Claude Caſar
qu'il y eſtoit ſi affectionné , qu'il en compoſa
vn liure. Meſmes Auguſte Caſar fut blaſ-
mé de trop s'y amuſer. Platon en ſon diala-
gue de la republicque, fait tant d'eſtime de ſon
ieu, Talorum, qu'il en fait comparaiſon a la
vie humaine. Semblablement ie ne veux icy
entreprendre de declarer la forme, & vſage.

des ieux de Octohedron, & Dodecahedron, comme les anciens en vsoient, car ie confesseray librement ne l'entendre. Vray est que pour le regard du present liure intitulé le Dodechedron de Fortune, c'est de l'invention de feu maistre Ian de Menon, l'un des plus fameux Poetes François de son temps, qui l'auoit dedié & présenté au Roy Charles le quint, lors regnant en France, comme i'ay cogneu par vne ancienne superscription du liure lors que premierement le trouuay en la bibliothèque d'un mien amy, qui tant pour l'antiquité, que rareté d'iceluy le tenoit cher, & en faisoit grand estime: mais vaincu par mes prieres, s'accorda de le mettre en lumiere. Et pour autant qu'il n'y auoit aucune preface ou aduertissement pour entendre l'vsaige & pratique d'iceluy & la forme du dé, a esté fort difficile de recognoistre l'intention de l'autheur, & la disposition de son liure: mesmes ay beaucoup travaillé par fréquentes communications avec gens Doctes, pour les descouvrir. Encores la gloire (si aucune en est due) doit estre plustost atribuee au Seigneur de Monliger M. Ian Moreau de Loches, homme certainement docte, & des plus fameux Iurifconsultes du pais: Lequel a descouuert la forme du dé, & la pratique du liure selon que cy

apres sera inseree. Car quant à moy ie ne puis iustement dire y auoir mis la main, ou adiouste aucuns chose du mien, sinon d'auoir auantement raffreschy le langage, & changé de termes en aucuns vers qui me sembloient rudes, corrompuz & peu intelligibles: mesmement à noz modernes François qui sont si delicatz, que ie crains que mon labour mesmes ne les degonste. Ce que i'ay fait toutesfois, ce a esté sans aucune chose innouer ou innouer du sens de la lettre, ne violer l'inuention de l'auteur, car ainsi l'ay voulu religieusement obseruer.

Or pour venir à l'intelligence du ieu, il est tout notoire, que M. Ian de Meun auteur d'iceluy, estait (outre sa poësie) l'un des plus doctes de son temps es mathematiques & Philosophie. Aussi quant au present liure il y a voulu proceder selon l'Astrologie iudiciaire, & Iugemens Astronomiques, diuisant ses questions en douze chapitres selon l'ordre des douze maisons du ciel, y obseruant enuierement les proprietéz & significations d'icelles, car en chacun chapitre, ou (pour mieux l'appeller) maison, il propose douze demandes, ou questions propres, & conuenables selon les effectz & significations de chacune des douze maisons du ciel: & outre à chacune question


stion y a douze responses, tellement que le tout
contient 144. questions, & 1728. Responses.
Or de m'arrester icy a descrire plus amplement
toutes les significations & proprietex des
maisons celestes, & quelz planettes regnent
en icelles : m'a semblé chose superflüe, & te-
dieuse : rennoyant celuy qui en sera plus cu-
rieux, aux modernes Astrologues iudiciaires, qui
en ont mis en lumiere plusieurs liures tât Latins
que François. Seulement me suffira t'en donner à
cognoistre quelque chose en passant. Assavoir
que la 1. maison s'apelle Horoscope, angle d'O-
rient, & ascendant : & signifie tous commen-
cemens de vie, & de toutes œuvres. La 2. s'a-
pelle succedente signifie biens, trafiques, riches-
ses, & autres choses necessaires à la vie. La 3.
est cadente de l'ascendant, & denote les freres
& seurs, consins, alliez & asociez, Iuges, &
Prelatz. La 4. s'apelle angle de la terre, & a
signification des peres, possessions, heritages,
maisons, tresors cachez, & choses secretes. La
5. s'apelle maison succedente, autrement bonne
fortune : & signifie enfans, filles, neveux &
leur inclination, messages, ambassades, & pro-
fit d'heritages. La 6. appellee maison cadente, ou
mauvaise fortune : denote bannissemens, serui-
tudes, maladies, faulses acusations, & tesmoi-
moignages. La 7. s'apelle angle d'Occident signi-
fie, noces, mariages, femmes, querelles, guerres.

& choses perduës. La 8. s'apelle succedente, autrement maison de mort : signifie tristesse, ennuyx, longs tourmens, poysons, & qualite de mort. La 9. appellee maison cadente de l'angle d'Orient, autrement maison de Dieu, signifie les Voyages, navigations, foy, religion, ceremonies, diuinations, songes, prodiges, & presages de punition diuine. La 10. appellee cueur du ciel, ou angle meridional, signifie honneurs, dignitez & gouuernemens de Roys, & grans seigneurs. La 11. appellee maison succedente à midy autrement le bon ange : signifie amytiex, compagnies, bonnes auantures, faueur, ayde, & secours. La 12. & derniere maison apellee cadente du midy, autrement maling esprit: signifie inimitiex occultes, prisons, captiuitex, vengeance, trahisons, deceptions, cheuaux à vendre, & fin de la personne. Lesquelles douze maisons les anciens figuroient soux ces deux vers (si vers meritent estre appellez.)


Natus, Vinci, fratrem, pater, filium, infirmus, vxorem,
 Mors, ambulat, regnat, fortuna, incarceration.

Ainsi tu cognoistras par experience que l'auteur à voulu aproprier ses questions à chacune desdictes maisons selon leurs significations & proprietex, Ausquelles les responses sont promptement, & subtilement trouuées par le moyen du dé appelle Dodecaëdron, ou Dodechedron, qui fait qu'à mon iugement ce ieu est

bien autant subtil, & ingenieux : que sont les
 poinctz aduenteux de la Geomantie. Et pour
 se donner à entendre sa forme, c'est vn corps
 Geometrique composé de douze faces Pentago-
 nes, qui sont totalement, egalles: autrement ia-
 mais ne seroit entier, & parfait: & faut assembler
 & rapporter les susdites douze faces l'vne à l'an-
 tre egallement, selon la forme icy depeinte.



puis en conioignant les costez ensemblement, &
 rapportant piece contre piece: compasseras facile-
 ment ce corps geometrique apellé Dodecaëdro-
 ou Dodechedron, en ceste forme.



Ce Dodechedron a esté fort celebré. par les
 anciës philosophes, qui l'acomparoient à ceste ro-
 de machine du ciel. Car tout ainsi qu'en icelle sont

les douze signes & trois cens soixante degrez: aussi le Dodechedron, est composé de 12. faces pentagones, chacune desquelles se diuise en cinq isopleures, ou triangles: puis subdiuisant chacun triangle en six scalenes, qui sont autres triangles inegaux, se trouueront iustement trois cens soixante scalenes: Or estât le Dodechedrón, ainsi parfait & accöply de ses faces egalle, faut encores obseruer ceste regle pour le merquer de ses points numeraux, qu'il doit estre en to^r endroits treze ain c'est à dire, que les points de dessus, & dessous facent le nôbre de treze: comme le dé quarre qui est de six faces, doit estre septain: car si la face de dessus du Dodechedron, est merquee de 8. le dessous sera 5. si de 9. le dessous soit 4. si de 12. le dessous soit 1. & ainsi du surplus.

Reste a declarer la pratique du Ieu pour en tirer plaisir, l'intelligence de laquelle sera facile ayant cogneu qu'il y a 12. chapitres, ou maisons pour les questiōs dont on se peut ordinairement enquerir: chacune desquelles maisons contient douze questiōs: cōme cy dessus est dict. Si donc tu veux scauoir le sort, ou aduēture de l'vne desdites questiōs selon ce Ieu, Regarde premierement en la quätiesme maison est assise ta question, d'auantage sous quel nôbre en l'ordre des questions, puis retenant en memoire lesdits deux nôbres, l'vne de la maison, l'autre de la question: Auras recours à la figure, ou table que ie t'ay proposee cy apres: qui est

quarree, & contient douze cellules en tous en-
 droicts: qui sont en nombre cent quarante &
 quatre, lesquelles i'ay diuisées en douze colonnes
 droites, qui sont noires, & douze autres trauer-
 santes, ou croisantes qui sont rouges, qui comence
 des langlet fenestre d'en haut, tirat au trauers de
 la table iusques a l'aglet dextre d'enbas continuât
 son nombre iusques a douze qui denotent les dou-
 ze maisons cy dessus declarees. Or ayant trouué
 le poinct, ou nombre qui designe la maison, ou est
 ta question, selon le premier nombre qu'as retenu
 te faut chercher l'autre nōbre de la question dont
 tu veux auoir responce, lequel tu trouueras en vne
 seule colone ou ligne trauerfante sans sortir hors
 d'icelle. Car a l'endroit ou sera le nōbre rouge qui
 designe la maison ou est ta questio: tu dois conti-
 nuer les points commençant à cōpter sur le rouge
 par 1. puis continuer par 2. 3. 4. 5. 6. 7. 8. 9. &c.
 Iusques à ce qu'ayes trouué le nōbre de ta questio,
 ce qui sera facile, car le nōbre n'excede 12. soit des
 questions ou responses. Et s'il auient que la mai-
 son soit au milieu de la colonne, comme sont la 6.
 & 7. quant seras au bout de la colonne, n'ayant
 encores trouué ton nōbre: faut retourner à l'autre
 bout, & comencement de la mesme colonne sans
 en prendre vne autre, ou biē tu faudrois. Car tout
 ainsi que chacane desdites colonnes contient 12.
 cellules: ainsi elles s'y treuuent tousiours, soit qu'on
 commence a compter par le commencement, par

le milieu, ou par la fin. Puis quāt auras trouuē le
 nōbre de ta question i'entends le cellule ou est fi-
 ny ton nombre & nom pas celuy merquē en la
 table : car il ne sert que pour designer au quan-
 tiesme fueillet du liure est la response. Tu mettras
 le doigt dessus ou le retiendras sans l'oublier. En
 apres getteras à l'auenture le dé Dodeche-
 dron , lequel n'a semblablement que douze fa-
 ces & douze poinctz , & regarde sur lequel
 poinct il s'arrestera : puis retournant a la cellule
 sur laquelle as mis le doigt, & commençant sur
 icelle par 1. continuant en descendant contrebas
 en la mesme colonne (i'entens des noires, qui
 sont droictes tendans du hault en bas) & si le
 nombre des cellules ne satisfaiēt pour acomplir le
 nombre auenn au dé, faut retourner au haut de la
 mesme colonne, en la mesme forme que i'ay dit
 des trauersantes, & quant auras trouuē la cellu-
 le sur laquelle sera arresté le nombre du dé, regar-
 de le nombre de la cellule, car il declarera qu'au
 fueillet du liure merquē de mesme nombre, trou-
 ueras la response de ta question soubz tel nom-
 bre qu'il est auenn au dé & n'y aura aucune faut-
 te. Ce que plus clairement te donneray a enten-
 dre par exēple. En la septiesme maison qui traite
 des mariages, la cinquiesme question est telle.

Celuy que ialousie esprent

S'il en a cause ou s'il mesprent,

Voyla deux nombres la septiesme maison, & cin.

quiesme question. Si tu en veulx auoir la respõse, regarde en la table le lieu ou est assise la septiesme maisõ, laquelle tu trouueras merquee de rouge en la cellule du nombre 79. puis continuant en la mesme ligne trauersante pour trouuer la cellule de la cinquiesme question d'icelle maison cõmenceras au point 79. pour 1. puis 91. pour 2. 103. pour 3. 115. pour 4. 127. pour 5. qui est le point que tu cherches sur lequel te faudra mettre le doigt, puis getteras le de Dodechedron, en disant la question dont te veulx enquerir, & retiẽdras le point sur lequel il s'arrestera, lequel ie prẽs (pour exemple) estre 8. Or pour en trouuer la resposse, cõmenceras au dessusdit nombre 127. pour 1. & descendant contrebas 128. 129. nombrant par ordre toutes les cellules la derniere de la colonne qui est 132. ne sera que la 6. en nombre: au moy-en dequoy fault remonter a la premiere cellule du hault de la mesme colonne qui est 121. qui fera la 7. & 122. la 8. qui est le nombre que tu cherches, parquoy va t'en au fueillet de ce liure mer-que 122. en la 8. resposse d'iceluy, trouueras ce qui s'ensuit.

N'aye, aucun doubte de ta femme,

Car elle est bonne & saige dame.

Ainsi pourras faire de toutes, les autres y obseruant les reigles cy dessus, comme en la 1. maison les 12. questions sont par ordre en la mesme colonne. par ce que la 1. fait le commencement, mais la 2. maison n'en continue ins-

ques au bout que 11. & fault venir chercher la 12. au commencement sur le poinct 2. & consequemment des autres maisons, soit pour les questions ou pour les responses. Car tout ainsi que les autres questions se treuvent en la colonne de chacune maison seulement, & sans en sortir hors, aussi chascune des douze responses se trouuera en la colonne droite ou s'arrestera le nombre de la question, & s'il auient que ton nombre soit de la question ou response excede la fin de la colonne soit droite, ou croissante, faut toujours retourner au commencement pour continuer le nombre. Et en ce faisant infalliblement trouuera response certaine & a propos de la question.

Je ne vueil pas toutesfois dire qu'il y ait aucune certitude aux responses, pour y deuoir adouster foy. Car ie croy que l'intention de l'hauteur ne fut iamais telle, ains seulement pour donner plaisir, & recreation a qui s'y vouldra amuser, & si d'auanture se trouue quelque response veritable, ne la faut pourtant tirer a consequence: car il est impossible qu'en tant de responses n'en vienne quelque vne a propos. D'vne chose te vueil bien aduertir (amy lecteur) que les mots estranges que trouueras en teste sur chacun fueillet, ou page de coltura, ie les ay ainsi trouuez en l'original, & combien que ie n'entende leur signification ne quel langage c'est (encoras que i'estime plustost que ce soient termes faictz a plaisir) neantmoins iene les ay voulu oster: afin que s'il se treuve quelqu'un qui mieux les entende il en puisse auertir les autres. Ce pendant prens en gré ce que ie s'en presente.

INTER VTRVMQVE.

L. BARIBERISTAS. Premiere maison.

- S** I nature au ieune enfant donne.
Qu'il soit de complexion bonne.
- Si l'enfant est sain & deliure
Pour en santé longuement viure.
- S'il aura selon cest escript
Bonne memoire & bon esprit.
- S'il aura beau langage & doux
Pour conuerser avec tous.
- Quels estats luy seront meilleurs,
Ou d'estre à l'estude ou ailleurs.
- Quelle science, s'il veut apprendre
Luy sera propice à comprendre.
- S'il ne veut apprendre la lettre
En quel art on le pourra mettre.
- S'aucun qui pense en general,
Pense en son cœur ou bien ou mal.
- Si le penser qui au cœur touche
S'accorde à ce qu'on dit de bouche.
- Si ce qu'on pense aura effect
Et en quelque temps sera fait.
- Si pour quelque œuvre encommencer
Fait bon tarder, ou s'auancer.
- Si ce qui commencé sera,
Finablement se parfera.

*Commence-
ment de vie*

*Presages de
ieunesse.*

*Inclination
naturelle.*

*Des pensées
& cogita-
tions.*

*Commence-
ment d'œu-
res.*

A

De la natu-
relle inci-
nation à for-
tune ou in-
fortune

1 Si aucun selon qu'il fut né
Sera bien ou mal fortuné.

2 S'il se pourra quelque temps voir
Grans biens & grandes richesses auoir.

Des riches-
ses.

Comment & quel moyen prendra
Celuy qui riche estre voudra.

4 Situ acquerras grand richesse
Dés ton ieune aage, ou en vieillesse.

5 S'il fera riche par nature,
Ou par art ou par aduventure.

De l'esper
& attente

6 S'aucun aura comme il entend
Tout ce qu'il espere ou attend

7 S'aucun d'enrichir curieux
Aura sur luy force enuieux.

8 S'il aura perte au gaignera
Au faiçt où il s'appliquera.

Du prest
& debte.

9 S'aucun qui a faiçt quelque prest
Le r'aura à son besoin prest,

10 Si vn debteur en quelque temps
Rendra ses crediteurs contens.

De liberali-
se.

11 S'aucun qui est ou sera riche
Sera liberal ou trop chiche.

12 En quoy le bien qu'il obtiendra
Plus volontiers le despendra:

- 1 Si deux freres s'entraymeront
Ou comment ils s'accorderont. *Significa-
tion sur les
freres.*
- 2 Lequel des deux freres doit viure
Plus longuement sain & deliure.
- 3 Lequel de l'vn & l'autre frere
Aura fortune plus prospere.
- 4 Celuy qu'on tient à compaignon
S'il est amy fidele ou non. *De la societe
& compa-
gnie*
- 5 Si c'est chose mauuaise ou bonne
D'accompagner vne personne.
- 6 S'il est bon de partir pour l'heure
En compaignie, ou qu'on demeure.
- 7 Si le iuge est sage & propice
Pour faire à tous droit & iustice. *Des iuges*
- 8 Si ce iuge sera blasme
Et du peuple hay ou ayme.
- 9 Si le prelat d'vne cite
Est bon pour telle dignite. *Des prelatz.*
- 10 S'il gouvernera son Eglise
Comme vn bon pasteur sans faintise.
- 11 Si le ieune enfant qu'on alaicte
A bonne mere & bonne teste, *Des enfans
qu'on al-
laicte.*
- 12 Quand le temps sera bien propice
Pour le sevrer de sa nourrice.

Q. ROCHAS ESCARLOS. 4. maison.

*Del' eno-
mens. d' une
chose*

1 A quelle fin soit malle ou bonne
Viendra le chose à la personne.

2 Si celuy qui en a le nom
Est de l'enfant vray pere ou non.

*Vie des pa-
res.*

3 S'vn pere naturellement.
Doibt gueres viure ou longuement.

Succesidus

4 S'il aura grands possessions
Par acquest ou successions.

*De la ferti-
lité de l'an-
née.*

5 Si on aura plaité de biens
En ceste année, ou peu ou riens.

6 De quels fructs, peu ou quantité
Qu'els a bon prix, ou grand cherté.

*Commence-
ment d'edi-
fice.*

7 Si le temps est bon & propice
Pour commencer vn edifice.

8 Si l'edifice desia fait
Est bien fondé, & bien parfaict.

9 Si ce qu'on veut encommencer
Se doit poursuyr ou delaisser.

*Des tresors
cachez.*

10 Si au lieu qu'on pense vn tresor
Estre caché, y est encor.

11 Si le tresor se trouuera,
Et en quel endroit il sera.

Du secret

12 Si ce qu'on veut estre celé
Sera point seu & reuelé.

- | | | |
|----|---|--|
| 1 | Si ceux qui sont en mariage
Auront enfans en leur mesnage. | De l'estre
des maries
S'ils auront
enfans, ou
non. |
| 2 | S'ils ne peuont y paruenir
Auquel des deux il peut tenir. | A qui il ti-
ent |
| 3 | Si la dame est grosse & enceinte
Pour verité ou si c'est feinte. | Si la Dame
est grosse. |
| 4 | S'elle doit fils ou fille auoir
On le pourra icy scauoir. | Qu'elle au-
ra. |
| 5 | Si vostre enfant aura desir,
Suyure vertu ou son plaisir. | De la na-
turelle incli-
nation des
enfans. |
| 6 | Si la fille a l'affection
Au monde, ou à religion. | De l'euu |
| 7 | A quel lieu pour contentement
Sera bon prendre esbatement. | Des messa-
gers & de
leur fidelité. |
| 8 | Si le messager quant à foy
Est loyal & de bonne foy. | Des nouuel-
les. |
| 9 | Si le messager parfera
Ce qui enchargé luy sera. | Des misse-
nes. |
| 10 | Si ce qu'on rapporte est croyable
Et la nouvelle veritable. | |
| 11 | Ce qu'une lettre en general
Contient, si c'est ou bien ou mal. | |
| 12 | S'il sera bon en prose ou metre
D'escrire à s'amie vne lettre. | |

- Des bannis-
sements.* 1 Si vn banny, d'estat demis,
Sera r'appellé, & remis.
- Des ser-
uans,* 2 Si vn enfant aura cest heur,
D'estre homme libre, ou seruiteur.
- 3 Si le seruiteur est feal,
Et à son maistre bien loyal.
- 4 S'il est bon de seruiteur prendre,
Et ausquels plustost on doit tendre.
- 5 Si pour seruir, & loyal estre,
Le seruiteur deuiendra maistre.
- Des mala-
des.* 6 Si le malade guarira,
Ou comment de son mal ira,
- Des mala-
dies.* 7 Si la maladie sera
Fort longue, ou bien tost cessera.
- De la me-
decin.* 8 Si le medecin qu'on applique,
A de la science & pratique.
- De la me-
decin.* 9 S'aucun pour la repletion,
A besoin de purgation.
- 10 Ce que le medecin ordonne,
S'il sera bon pour la personne.
- Sortileges.* 11 Si celle, ou cil qui a le nom
D'estre ensorcellé, l'est ou non.
- Tesmoigna-
ge.* 12 Si cil qui tesmoigne, ou depose
Dira verité de la chose.

- 1 S'il est bon, ou non en quelque aage
Se mettre au ioug de mariage. *Des mari-
ages.*
- 2 Lequel te sera plus vtile,
Prendre vne-veufue, ou vne fille.
- 3 Si on aura en mariage
Ce que l'on ayme en son courage
- 4 Si les deux mariez quant à soy
Sont loyaux & de bonne foy. *Loyauté des
mariez.*
- 5 Celuy que ialousie esprent,
S'il en a cause ou s'il mesprent
- 6 Si vn enfant de gentil nom
Sera preux aux armes, ou non. *Des armes*
- 7 Si l'on aura pour ceste annee.
Lapaix ou guerre fortunee. *Paix &
guerres.*
- 8 Si la guerre qui renouuelle
Sera brieue, ou longue & cruelle.
- 9 Des deux qui ont noise & debat
Lequel doit gaigner au combat. *Des cöbats*
- 10 S'il fai&t maintenant bon entendre
A grand chose achepter, ou vendre. *Trafque.*
- 11 Si la chose emblee, ou perdue
Sera retrouuee, ou rendue. *Des choses
perdues*
- 12 S'il vaut mieux voler aux riuages
Ou chasser au bestes sauuages. *De la chasse*

Maison de
mort.

1 Si la personne qui pretends,
Mourra tost ou viura long temps.

2 S'aucun mourra en sa ieunesse
Ou s'il paruiendra à vieillesse.

3 S'aucun mourra, ^{ou} tost, ou tard,
En son pays, ou autre part.

4 Si par guerre assaut, ou fortune
Il mourra ou de mort commune.

5 S'aucun par excès ou effort,
Aduancera son temps de mort.

De la despo-
sition des
absens

6 S'aucun absent ou en exil,
Est vif, ou mort ou en peril,

7 S'aucun mourra sans qu'il se faigne,
Au liët d'honneur & en campagne.

8 Lequel de ceux qu'on me propose
Premier aura la bouche close.

De la peur
& crainte.

9 S'aucun qu'on menasse, ou a peur
En sera tost, au iamais seur.

Des poisons.

10 S'aucun qui craint qu'on l'empoisonne
En pourra sauuer la personne.

11 S'aucun qui euyde en verité
Estre empoisonné l'a esté.

Election de
mort.

12 Quelle mort s'on l'auoit à dire,
Selon la meilleure à eslire.

Si le

1 Si le chemin empris à faire
Se pourra sans danger parfaire. |

Voyages &
les pelerins-
nages.

2 Si la nef qu'on desire fort
Viendra arriuer à bon port.

3 S'aucun du voyage entrepris
Reniendra sans estre surpris.

4 Si quelq'un est propre & idoine
Pour estre fait & rendu moine.

Des rela-
gions.

5 Si la fille dont on deuise
Doibt estre en religion mise.

6 S'aucun qu'on pense sainct hermite
Est tel qu'il semble, ou hypocrite.

Hypocrite

7 Si quelq'un est de bonne indole
Pour apprendre & mettre à l'escolle.

8 Si l'on doit attendre d'un songe,
Que soit verité ou mensonge.

Significatio
des songes.

9 Si de ton songe ce n'est rien,
Ou s'il denote mal ou bien.

10 Si le presage qu'on affie
Quelque bien ou mal signifie.

Des pres-
ges.

11 Si d'un fait la vraye action
Sçauras par diuination.

Diuination

12 Si nous pourrons à iamais voir
Iustice & paix leur regne auoir.

Iustice &
Paix.

B

Des hon-
neurs.

1 S'aucun pourra comme il desire
Attaindre à l'honneur qu'il aspire.

Poursuivre
d'office.

2 Sil'heure & le temps est propice
Pour demander aucun office.

3 S'onacquerra biens & honneurs
En propre pays, ou ailleurs,

4 Si tost ou tard à l'aduenir
On doit aux honneurs paruenir.

5 S'aucun pourra par bien ouurer
Son honneur perdu recouurer.

Service
Royal.

6 S'il est à present bon ou mal.
D'entrer en seruice Royal.

Est de
Roy.

7 S'vn Roy, ou prince, ou grand seigneur
Regnera long temps en honneur.

8 S'il regnera en equité.
Et en iustice & verité.

9 S'il sera de son peuple aymé,
Ou en danger d'estre blasme.

10 Sil sera trauaillé de guerres
Ou s'il tiendra en paix ses terres.

11 S'il sera libre pour despendre
Et preux pour les subiects defendre.

12 Si vn Roy par succession
Vaut mieux que par election.

Q.

ESCALBOT.

II. maison.

- 1 S'aucun aura en cest année
Bonne fortune & destinée. *Fortune de
l'homme.*
- 2 Si ce qu'on espere & attend
Aduindra comme l'on pretend.
- 3 Si aucun que l'amour tormente
A chef viendra de son entente. *Des amours*
- 4 Par quel moyen plus prompt & brief
Viendra de ses amours a chef.
- 5 Celluy qui amy se reclame,
S'il est bien aymé de sa dame. *De l'amy.*
- 6 Si celle aussi est bien aymée
Qui dame & amie est nommée, *De l'amee.*
- 7 Si l'amour long temps durera,
Par qui & comment finera.
- 8 Lequel des deux qu'amour conforte
Ayme l'autre d'amour plus forte. *Comparai-
son d'amisic*
- 9 Si celluy qui pense estre amy
L'est voirement où à demy.
- 10 Si en l'estat où tu es mis
Auras peu ou beaucoup d'amis.
- 11 Lesquels aiment d'amour meilleure
Le riche ou le pauvre à cest heure. *Damisic.*
- 12 Si pour le temps auras fortune
Bien fauorable & opportune.

B ij

- Des enne- 1 Si quelq'vn a beaucoup d'amis
 mis & mal- Ou de malueillans ennemis.
 veillans.
- 2 S'il viendra, comment, & en brief,
 De tous ses ennemis à chef.
- Des proces. 3 Si d'vn proces comme on espere,
 La fin sera bonne & prospere.
- 4 Quels bons moyens on doit tenir
 Pour vn proces bien tost finir.
- Ville asie 5 Si le fort qu'on tient assiegé
 gee. Sera rendu ou saccagé.
- Vengeance 6 S'on pourra venger le meffaiçt,
 d'iniure. Et quelque iniure qu'on a faict.
- Des prison- 7 S'vn prisonnier en quelque part,
 niers. Sera deliuré tost ou tard.
- Tristesse. 8 S'aucun en tristesse & souffrance,
 Aura de son mal allegeance.
- Tromperie. 9 Si aucun veut & a pouuoir
 De te falcher & decevoir,
- Enuie. 10 S'aucun voisin ou compaignon
 A dessus toy enuie ou non.
- Achast de 11 Si le cheual qu'on te veut vendre
 cheuaux. Sera profitable a le prendre.
- La fin de 12 Si a fin sera malle ou bonne
 l'homme. Dela vie d vne personne.

Fin des Questions.

- 1 **S**A complexion ne sera
Iamais bonne, ou il changera,
- 2 Son honneur gardera si bien
Que nul ne luy meffera rien.
- 3 En brief auras à ta plaifance
De t'amie la ioyffance.
- 4 Par son esprit & son bon-heur
Bien tost viendra à grand honneur.
- 5 Elle sera bien chaste & bonne
En quelque estat qu'on luy ordonne.
- 6 Il est en griefue maladie,
Mais il n'est pas mort, quoy qu'on die.
- 7 Pour la guerre qu'aurons en somme
N'endurera que le bon homme.
- 8 Ce medecin n'est gueres sage
De son art n'entend pas l'vsage.
- 9 Il n'est pas tel que tu demandes
Pour accomplir ce que tu mandes.
- 10 Il n'y a rien qui bien te face,
Car il n'y a plus que la place.
- 11 Ceste nourrisse me desplair
Ie croy, qu'elle a trouble le laict.
- 12 Il ne despenderoit vne maille
De peur que le bien ne luy faille.

- 1 De son naturel il propose
2 Del'employer en bonne chose.
- 3 Sa complexion ne s'encline
4 Qu'à bonne nature & sanguine.
- 5 Cestuy vaincra ses ennemis
6 Par le moyen de ses amis.
- 7 D'y paruenir sera leger,
8 Mais garde toy de ce danger.
- 9 Apres auoir long temps seruy
10 Auras l'honneur qu'as desseruy.
- 11 Iamais ne soit Nonne tonduë,
12 Ou l'estimez fille perduë.
- 13 Encøres qu'il soit en santé
14 Son esprit est fort tourmenté.
- 15 Princes fer ont telle alliance
16 Que Mars n'aura sur eux puissance.
- 17 Ce Medecin en theorique
18 Est excellent, & en pratique.
- 19 Ce messager fera tres bien
20 Ce qu'il doibt sans oublier rien.
- 21 Il y a tresor de grand pris
22 Faiëts si bien que n'en sois repris.
- 23 C'est ceste cy que ie soubhaite,
24 Car elle est nourrisse parfaicte

- 1 Ceste nourrisse est fantastique,
Et a son laiçt trop colerique.
- 2 Il est enclin pour entreprendre
A follement son bien despendre.
- 3 Cestuy sera chault & colere
Si par raison ne se modere.
- 4 Ses ennemis ont grand puiffance,
Peu luy vaudra sa resistance.
- 5 Tu pers ta peine d'y pretendre,
En autre lieu te faut entendre.
- 6 Il ayme mieux son proffit faire
Que tendre à vn loüable affaire.
- 7 Mieux aymera, dont ie la prise
Vn bon mary que bigotise.
- 8 Ne tesbahiz s'il n'est venu
Car par force il est retenu.
- 9 En danger sommes d'auoir guerre
Tant sur la mer que sur la terre.
- 10 C'est mal rencontre medecin,
Par luy ne serez iamais sain.
- 11 Il ne fera rien qu'à regret,
Tu ne luy diras ton secret.
- 12 Il n'y a qui vaille vne pitte
Pour neant en ferois poursuite.

- 1 Il y est encor ie t'asseure
Mais ne le verras pour ceste heure.
- 2 Ceste a de bon lai&t à plaisir
Meilleur ne pourriez choisir
- 3 Il despendra tout sans mesure
En ses plaisirs, & en luxure.
- 4 Il ne decline point à mal,
Ains sera franc & liberal.
- 5 Cestuy est prudent & discret
Il viura pour estre secret.
- 6 Après auoir peine & meschef
Il viendra de s'amyé à chef.
- 7 Bien tost viendra à honneur tel
Qu'il en aura los immortel.
- 8 Ceste fillette est si bien née
Qu'a tout bien faire est destinée.
- 9 Pour aucun rapport ne t'estonne
Car il est sain de sa personne.
- 10 Tresues aurons ou paix fourrée
Car guerres n'auront de durée.
- 11 C'estuy est homme de sçauoir,
Il y fera bien son debuoir.
- 12 Il parfera bien son message
S'il n'est surprins en vn passage.

- 1 Il fera bien sagement
Son message à mon iugement
- 2 Il y a tresor voirement
Mais est caché subtilement.
- 3 Si de nourrisse on veut presser,
De ceste cy vous faut passer,
- 4 Il emploira beaucoup du sien
Pour auoir nom d'homme de bien.
- 5 Il aura nature muable
En bien ou en mal variable.
- 6 Ayant en espoir patience
Des ennemis auras vengeance.
- 7 Ce sot facheux trop ennuyra
De ses amours ne iouyra.
- 8 Si autrement tu ne fais rien
Iamais n'auras honneur ne bien.
- 9 Elle aura aussi bon courage
De seruir Dieu en mariage.
- 10 Il n'a soin de chanter bellade
S'il n'est mort, il est bien malade.
- 11 La guerre aurons en tel effort,
Que le bon droict aura le tort,
- 12 Cestuy qui grand maistre se faict
A plus de babil que d'effaict.

- 1 Il est bien sage & bien expert
Comme par ses faictz en appert.
- 2 Il fera si bien son deuoir
Qu'on luy deura bon gré sçavoir.
- 3 Il est bien vray qu'on l'y mussa
Mais on l'a osté despieça.
- 4 En ceste cy n'a aucun vice
Pourquoy ne soit bonne nourrice.
- 5 Il despandra des biens notables
A iouier aux dez & aux tables,
- 6 Cestuy de bonnes meurs sera
Dont tout le monde l'aymera.
- 7 Pour le bien qui en luy sera
Toute querelle appaisera.
- 8 Voyant sa loyalle amirié
S'amyé aura de luy pitié.
- 9 Veu son esprit, ie luy promets
Qu'il aura bon bruyt à iamais.
- 10 Ceste aura l'œil en sa saison
Plus à danser qu'à l'oraison.
- 11 Il est bien sain, & mal n'endure
Ains a trouué bonne aduerture.
- 12 Dieu nous donra par sa clemence
Cest an repos & patience.

1 On n'aura cest an point de guerre,
Chascun voudra garder sa terre.

Ce medecin Physicien

2 N'est gueres bon practicien.

Il fera bien ce qu'il doit faire

3 Et mettra fin à ton affaire.

4 Tresor ya s'il est cherché

Mais il est bien auant caché.

Ceste me semble trop facheuse,

5 Elle est rude & mal gracieuse

6 Il despendra plus volontiers

Son bien aux pauures qu'aux monstiers.

7 Cestuy fera de grand loisir,

Et fort subiect à son plaisir.

8 Pour parler doux & sagement

Il vaincra tout finablement.

9 De celle qu'as voulu choisir

Tu iouyras à ton plaisir.

10 Par peine & labeur en bref temps

Auras l'honneur que tu pretens.

11 Si ceste fille on faisoit Nonne

La fin n'en seroit iamais bonne.

12 S'il est ou mort ou en mal aise

Loüez Dieu & ne vous desplaise.

C. ij

- 1 Si dans brief temps ne le voyez
C'est fait de luy & m'en croyez.
- 2 Cest an la guerre se fera
Qui fort longuement durera.
- 3 Ce medecin n'est pas scient
Pour guerir vostre patient.
- 4 Ce messager comment qu'il aille
Ne fera ia chose qui vaille.
- 5 Tout le tresor ce n'est qu'ordure
N'y cherchez point vostre auanture.
- 6 Ceste n'est pas de bonnes meurs
Vne antre en faut chercher ailleurs.
- 7 Il gardera tout si estroict
Qu'il ne despendra rien à droict.
- 8 C'est enfant, à nul ne desplaist,
Aura complexion mauuaise.
- 9 Tu es fâcheux & orgueilleux,
Tu seras tousiours querelleux.
- 10 Tu ne scaurois faire la court,
Ailleurs faut chercher ton plus court.
- 11 Il ne met son cœur qu'à lauoir
Et n'a soucy d'honneur auoir.
- 12 Elle seroit religieuse
Qui voudroit bonne & gracieuse.

- 1 Ceste vaut mieux à mariage
Pour bien disposer vn meynage
- 2 Il est bien sain & en bon point
Partant ne vous en fachez point.
- 3 S'il y a guerre aussi aura
Vn prelat qui l'appaisera.
- 4 Cestuy entend bien la science
Mais ne en ferez l'experience.
- 5 Ce messager est à ta guise
Pour mettre à fin ton entreprise.
- 6 Il ya grand tresor & riche
Pour le chercher ne fois point chiche.
- 7 Ceste femme est bonne nourrice
Et au petit enfant propice.
- 8 Les fruiçts dependra volontiers
Laisant le fond aux heritiers.
- 9 Il est bien complexionné
Et à tout bien faire adonné.
- 10 Tu les vaincras si tu es sage
Leur faisant teste & bon visage.
- 11 Apres auoir long temps seruy
Auras le bien qu'as desseruy.
- 12 Pour estre gracieux & sage
Honneur aura de son ieune aage

- 1 Croy que fortune te depart
D'honneurs mondains petite part.
- 2 De religion n'aura cure
Mais qu'un mary on lay procure.
- 3 C'est absent en pais estrange
S'il n'est mort il est en danger.
- 4 Nous aurons guerre, dont i'asseure
Que plusieurs en maudiront l'heure.
- 5 Il n'est discret ne vertueux
Mais est vn fol presumptueux.
- 6 Ne t'attends point que iamais face
Chose qui soit de bonne grace.
- 7 En ce lieu n'y a rien qui vaille
Tu n'y treuueras vne maille.
- 8 Ceste cy est bonne à souhait
Mais gardez qu'on trouble le lait.
- 9 Il ayme mieux comment qu'il aille
Despendre en noyse & en bataille.
- 10 Il sera maigre & coletique
En danger d'en venir ethique.
- 11 Pour chercher proces & debats
Tu pourrois bien te mettre au bas,
- 12 L'amye auras qui plus te touche,
Mais garde toy de mallebouche.

- Il iouyra finalement
1 De s'amyce honorablement.
Cestuy bien tost monté sera,
2 Mais en fin s'abaislera.
Cen'est pas son cas d'estre Nonne
3 Ell'est trop iolie & mignonne.
L'absent duquel on tient propos
4 Est en bon point & bien dispos.
Nous aurons la paix ceste année
5 Car le bon Dieu nous l'a donnée.
Ce medecin est bien discret
6 Declarez luy vostre secret.
Il fera si bien son message
7 Que le tiendras en homme sage.
Trefor ya son le scait querre
8 Mais il n'est pas mussé en terre.
Ceste nourrice est saine & nette
9 Et a bon laiçt & bonne teste.
10 Pour son plaisir & volupté
Son bien sera mal exploicté.
Il aura complexion bonne
11 Mais qu'a luxure ne s'adonne.
12 S'il a meffaiçt faut qu'il s'amende
S'on luy faiçt tort en Dieu s'attende.

- 1 Cestuy vainera par sa prudence
Ses ennemis mieux qu'on ne pense.
- 2 De ses amours en peu de temps
Et aura les esprits contens.
- 3 Ne te chaille si tost ou tard
Car d'honneur aur as bonne part.
- 4 Il vaut mieux la laisser plus croistre
Avant que de la mettre en cloistre.
- 5 S'il est mort ou vif n'ayez soing
Mais de secours a bon besoin.
- 6 Cest an aurons guerre nouvelle
Qui sera fort dure & cruelle.
- 7 Il est sage & homme de bien
En luy ie me fierois bien.
- 8 Il ne sera certainement
Ce quel'on veut entierement,
- 9 Tresor ya sans controuuer
Mais il est difficile à trouver.
- 10 Pour bien nourrir & bien traiter
A ceste se faut arrester.
- 11 En bonne chose il employera
Le sien & riens ne gastera.
- 12 Bonne complexion aura
Mais ieunesse le deceura.

- 1 Il ne viura pas longuement,
Son n'y prend garde sagement.
- 2 Quelque bonne cause qu'on ayt
La fin n'est pas à ton soubhayt.
- 3 Elle aymera l'homme discret
Qui scet tenir le cas secret.
- 4 Encor aura plus grand credit
Qu'il n'auoit lors qu'il le perdit.
- 5 Son semblant & sa conscience
Certes ont grande difference.
- 6 Ayant la cuyrasse endossé
Tumbera mort en vn fossé.
- 7 L'vn ou l'autre est trop obstiné
Le peuple en sera ruiné.
- 8 Si au ventre as repletion
Pren par embas purgation.
- 9 Si c'est à bien ie n'en croy rien,
Si c'est à mal ie le croy bien.
- 10 Au lieu qu'on dict qu'il est caché
Se trouuera s'il est cherché.
- 11 Ne le seurez ceste sepmaine
Car l'heure n'est bonne ne saine.
- 12 Quelques biens qu'il ayt & honneur
Toufiours aura quelque malheur.

- 1 Cestuy sera sans doute aucune
Sur tous bien aymé de fortune.
- 2 Long temps & en santé viura
Et grans biens & honneurs aura.
- 3 De ce proces comment qu'il aille
N'auras iamais chose qui vaille.
- 4 Femme qui prent ce qu'on luy donne
Certainement el' s'abandonne.
- 5 Quoy qu'il tarde vng tel deshonneur
Luy tournera à grand honneur.
- 6 Quelque bonne mine qu'il face
Il n'est deuot que par la face.
- 7 Il ne peut le canon ouyr
Mieux ayme ailleurs se refiours.
- 8 La guerre faudra par la mort
De celuy qui aura le tort.
- 9 Il n'a besoing de medecin
Il est bien dispos & bien sain.
- 10 Ce qu'on en seme par la ville
Croyez ce n'est pas euangile.
- 11 Par certain art & par raison
Le trouueras dans la maison.
- 12 Si c'est vng filz sevrer le fault
Mais si c'est fille il ne m'en chault.

- 1 De maintenant sevrer l'enfant
L'heure & le temps le vous deffend.
- 2 Cestuy aura maint aduersaire
Et la fortune bien contrainte.
- 3 Cest enfant dont on tient propos
Pour long tens viure n'est dispos.
- 4 Quant à ce proces dire i'a use
Que tu obtiendras gaing de cause,
- 5 On fait & souuent ces faulx conneaulx
Voller par chesnes & anneaulx.
- 6 Du deshonneur qui tant le fa sचे
Toujours en aura quelque tache.
- 7 Il entend bien ce qu'il faut faire
Pour le saint homme contrefaire.
- 8 Cestuy est de trop noble race
Plustost mourra que quitter place.
- 9 La guerre ainsi qu'on la propose
À grand cruaulté se dispose.
- 10 S'il n'est purgé competemment
Il ne viura pas longuement.
- 11 Soyez certain soit mal ou bien
Que tout est faux & n'en est rien.
- 12 Vous y pourriez beaucoup despendre
Sans riens trouuer que ceussiez preudre.

- 1 Qui vers orient cherchera
En vn gros mur le trouuera.
- 2 S'il a deux ans seyrer le fault,
Mais qu'il ne face pas trop chault.
- 3 D'autant qu'il est doux & affable
Il aura fortune agreable.
- 4 Il est assureé voirement
De viure en sauté longuement.
- 5 En ce proces que tu pretens
Tu n'y perdras que les despens.
- 6 Estre mal propre & mal parler
Fai&t loing de l'amour reculer.
- 7 Cestuy malgré les ennemis
En son honneur sera remis.
- 8 Qu'il le voudroit croire en ses dieux
Il seroit fort deuocienx.
- 9 Cestuy est vn peu trop couïard
Et craint de se mettre au hazard.
- 10 Soubdain ceste guerre est ouuerte
Soubdain s'appaisera sans perte.
- 11 Sobrement viue & se contienne,
Et de medecine s'abstienne.
- 12 Sans cause on ne l'a pas semée,
Il n'est point de feu sans fumée.

- 1 Ne pensez pas que ce soit fable
Car la nouvelle est veritable.
- 2 En terre est caché bien auant
Du costé du soleil leuant.
- 3 S'il a puissance de manger
Sevrez le sans aucun danger.
- 4 S'il se veult par raison conduyre.
Fortune ne luy pourra nuyre.
- 5 Assez viura quoy qu'on en die
Mais ne sera sans maladie.
- 6 Qui plus y met plus y perdra
Le profit ne vous en viendra.
- 7 Soys vigilant & ne dors mye
Jamais couârd n'eut belle amy.
- 8 Il n'aura jamais ce bon heur
De retourner à son honneur.
- 9 Soit mendiant, prestre ou chanoine
Son habit ne le fait pas moine.
- 10 Vn cueur vaillant jamais ne fault
De mourir en guerre ou assault.
- 11 Par ceste guerre on destruyra
Tout le plat pays ou l'on ira.
- 12 Laisse à present faire nature
Elle mesmes fera sa cure.

- 1 Il n'est pas tens de se purger,
Mais ce pendant fault peu menger.
- 2 Ceste nouvelle est bien croyable,
L'estime qu'ell' est veritable.
- 3 Au lieu que premier cherchez.
Certainement le trouuerex.
- 4 Seurez le il a assez tette,
Mais que ne soit en plain este.
- 5 La fortune tant l'aymera
Qu'à grans honneurs l'ellouera.
- 6 Il aura longue vie & bonne
Sans que maladie l'estonne.
- 7 Pour quelque bien ou quelque excès
Le ne conseille auoir proces.
- 8 Qui de femme l'amour desire
En riens ne luy doibt contredire.
- 9 A fin viendra la fine mousche
Du deshonneur dont on le touche.
- 10 C'est vn fin gallant babillard
Qui contrefait le papelard.
- 11 Cestuy mourra de plusieurs coups
Si par ses amys n'est rescoux.
- 12 En ceste guerre dont on bruyt
L'vn des deux chepz sera destruit.

- 1 Ceste guerre en brief finera
Mais le Pape y contredira.
- 2 De medecine ne pren point,
Tant que la lune soit en point.
- 3 Si la nouvelle continue
Pour vraye doit estre tenue.
- 4 Vous le trouuerez quelque part
Mais que vous vſez de nostre art.
- 5 Seurez l'enfant sans plus attēdre (dre.
L'heure est bōne on n'y peut mesprē-
- 6 Si tu scez poursuyure ton heur
Tu paruiendras à grand honneur.
- 7 Il doit viure assez par nature
S'il n'a fortune ou aduanture.
- 8 Du different qu'on me propose
En pourras auoir quelque chose.
- 9 Faiſts des presens, car bien souuent
Femme qui prent elle se vend.
- 10 Pour estre tumbé par deffault
Peu apres montera plus hault.
- 11 Pour tel qu'on le veoyt ie le tien
Et tel est qu'il montre au maintien.
- 12 Il est content de voir l'esbat
Mais ne veult entrer en combat.

- 1 Cestuy mourra en bataillant
Car il est hardi & vaillant.
- 2 La guerretel tens durera
Que l'vn & l'autre fassera.
- 3 Si ne te purges promptement
Seras malade assurement.
- 4 C'est chose faulse & controuuée
Aussi ne peult estre prouuée.
- 5 A tout iamais chercher pourras
Que nul tresor ne trouuerras.
- 6 Il n'est pas temps de le sevrer
On y pourra bien recouurer.
- 7 Tu n'auras ja bonne aduantage
Ou ce sera contre nature.
- 8 Cestuy mourra des son ieune sage
Dont sera grand perte & dommage.
- 9 N'ayez proces n'inimitié
Plustost quittez en la moytié.
- 10 Monstre toy hardy & vaillant
Et te garde d'vn malucillant.
- 11 Il ne peult son honneur rauoir.
Tant bien en face son deuoir.
- 12 Ne vous fiez en ce caffard
Car de son faict ce n'est que fard.
- ce qu'il

- 1 Ce qu'il en fait ce n'est faintisc ..
Il ayme Dieu & son Eglise.
- 2 Cestuy n'a garde d'y mourir'
Car il est trop prompt a courir.
- 3 Tel prelat s'en entremettra
Qui ceste guerre à fin mettra.
- 4 Pour guarir nature replete
Le louë que faces diette.
- 5 Ceste nouvelle s'elle est bonne
Del'asseurer ie vous ordonne.
- 6 Qu'en vain ne se trauaille & peine
Car il n'y perdroit que sa peine.
- 7 Il est temps si ell' est femelle
De la sevier de la mammelle.
- 8 Fortune à la fin t'aydera
Mais quoy? le tempsté tardera.
- 9 Il est fait de bonne matiere
Il viura d'homme vie entiere.
- 10 En ce proces il obtiendra,
Car le conseil pour luy tiendra.
- 11 Beau maintien & doulee parole
Font en l'amour la femme folle.
- 12 L'honneur perdu par vn forfait
Sera rendu par vn bien fait.

E

- 1 Qu'il face du mieux qu'il pourra
Touſiours ce deſhonneur aura.
- 2 Ceſtuy qui tant faiſt du preud'homme
Eſt vn meſchant & mauuais homme.
- 3 Il mourra les armes au poing,
Car on le lairra au beſoing.
- 4 Ceſte guerre comment qu'il aille
Ne faudra iamais ſans bataille.
- 5 Pour le preſent ie te deuine
Que n'as beſoing de medecine.
- 6 Ceſte nouvelle eſt controuuée
Quelque bon goſſeur la trouuée.
- 7 Encor qu'il y ſoit, par ta peine
Ne l'auras de ceſte ſepmaine.
- 8 Ne le ſevrez en ceſte ſorte
Attendez qu'autrement ſe porte.
- 9 Si tu n'y prens grand' cure & ſoing
Telairra fortune au beſoing.
- 10 Il n'eſt taillé de long temps viure
Trop voudra ſes plaiſirs enſuyure.
- 11 Ie donne gaing au demandeur
Et condamne le deſendeur.
- 12 N'aymez iamais telle perſonne
Qui prent argent ou qui en donne.

- 1 Ayme t'amy loyaulment
El t'aymera pareillement.
- 2 Doresnauant il fera sage,
Et à la fin grand personnage.
- 3 Il contrefaiçt du saint hermite
Mais ce n'est qu'une chatemite.
- 4 Tu pourras entrer si auant
Qu'en sortiras les pieds deuant.
- 5 Ceste emotion n'est pas grande
Mais le battu payra l'amende.
- 6 Si tu regarde à ton affaire
De medecin n'auras que faire.
- 7 Je la croyray si c'est à bien
Si c'est à mal ien'en croy rien.
- 8 A main fenestre en occident
Le trouuerras tout euident.
- 9 Seurez le car l'heure en est bonne
Si aussi l'aage s'y adonne.
- 10 Tu seras comme ie dispose
Bien fortuné en mainte chose.
- 11 Il est de mauuaise semence
Bien peu viura comme ie pense.
- 12 Tel pense gaigner qui perdra,
C'il qu'il a bon droict obtiendra.

- 1 La fin du proces intenté
Bien tost le rendra contenté.
- 2 Faisant humblement ta requeste
Luy mettras le feu en la gesse.
- 3 Par le moyen de ses amis
En son honneur sera remis.
- 4 Il est deuot en cest endroit
Pour besongner vn coup à droit.
- 5 Cestuy ayme mieux paix que guerre
Il ne mourra que sur sa terre.
- 6 La guerre est forte & la saison
Nous menasse de trahison.
- 7 Si quelque mal au cueur te touche
Pren medecine par la bouche.
- 8 N'en croyez rien, ceste nouvelle
N'est ne veritable ne telle.
- 9 Ne le cherchez point desormais
Vous ne le trouuerrez iamais.
- 10 Sevrez cest enfant seurement
S'il a des dens competement.
- 11 Tu auras fortune di uerse
Vne fois bonne vn' autre aduerse.
- 12 Pour cest enfant i'ay arresté
Qu'il viura long temps en santé.

- 1 Cest enfant naturellement
Aura fort bon entendement.
- 2 Vostre proces n'aura durée
Passant par la porte dorée.
- 3 Elle n'a bon iour ne demy
S'elle ne voyt son doulx amy.
- 4 Si en bon lieu t'es arresté
Mieux y vault viure en liberté.
- 5 Haymera bonne doctrine
Car sa nature y est encline.
- 6 Celluy qui plus se contregarde
Mourra le premier quoy qu'il tarde.
- 7 L'un des deux fust il le moins fort
Vaincra celuy qui a le tort.
- 8 Ces medecins & mareschaux
Font mourir hommes & cheuaults.
- 9 Ces lettres n'ont aucun plaisir
Sinon tristesse & desplaisir.
- 10 Par vn bauard fin & peruers
Tes secretz seront descouverts.
- 11 Il ne sera iour de leur vie (uie
Qu'etr'eux n'ait tousiours quelqu'en-
- 12 Tu ne scaurois grans biens acquerre
Et deusses-tu gratter la terre.

- 1 Par douceur & humilité
Auras des biens à grand planté.
- 2 Il aura selon cest escript
Bonne memoire & bon esprit.
- 3 Il vault mieulx faire vn bon accord
Que long tens viure en tel discord.
- 4 Son amitié n'est que faintise
Autant ailleurs, c'est la deuisse.
- 5 Grand bien te sera & grand heur
Que d'estre au Roy son seruiteur.
- 6 Il est trop tendre & delicat
Pour par estude estre aduocat.
- 7 Celuy qui est le plus mignon
Mourra deuant son compaignon.
- 8 Aucuns qui les verront debatre
Les accorderont sans combatre.
- 9 Du medecin ne faictz estime
Seullement garde bon regime.
- 10 La lettre ne contient en somme
Riens qui doye desplaire à homme.
- 11 Quelque amy qu'auras irrité
En fin dira la verité.
- 12 Ils auront entre eulx grand discord
Mais en la fin seront d'accord.

- 1 Ces deux freres comme il me semble
N'auront iamais accord ensemble.
- 2 Tu ne scaurois grans biens auoir.
Ains tu despendras ton auoir.
- 3 Il sera fort ingenieux
Et quelque peu malicieux.
- 4 Je te conseille d'appoincter
Car les hommes sont a doubter.
- 5 Son amitié n'est qu'en la bourse
Si l'on ne baille elle se course.
- 6 Ton long seruice & tens passé
Perdras pour vn voirre cassé.
- 7 Il sera trop melencolicque
Mieux le vault mettre à la pratique.
- 8 Celuy qui de parler s'aduance
Le premier menera la dance.
- 9 L'assaillant a creu de leger.
Garde qu'il n'en tombe en danger.
- 10 D'autant que la santé vous touche
Ne prenez drogues par la bouche.
- 11 La lettre ne tient que propos
Pour tendre à paix & à repos.
- 12 En toy te fie & ne hazarde
Secret aucun donne t'en garde.

- 1 La chose sera bien celée
Sans iama is estre reuelée.
- 2 Ils feront tous deux bons amis
Si quelque discord n'y est mis.
- 3 Des biens auras à suffisance
Si ton plaisir n'y faict nuifance.
- 4 Cestuy sera doux & affable
Et à tout le monde agreable.
- 5 Faueur de prince ou grans seigneurs
N'a tant d'effect que les donneurs.
- 6 Elle t'ayme plus la moitié
Que ne luy portes d'amitié.
- 7 A homme libre au tens qui court
Ne faict pas bon suyure la court.
- 8 Ilaymera toute science
Et aura bonne conscience.
- 9 Celuy qui est le plus changé
Sera le premier vendangé.
- 10 Si l'affaillant son droit poursuyt
Il en aura le los & bruyt.
- 11 Ce qu'il ordonne est profitable
Car c'est vn medecin notable.
- 12 Ceste lettre est trop rioteuse
Il en viendra noise fascheuse.

Ne doub-

- 1 Ne doubtez point de ceste lettre
On n'a voulu que bien y mette.
- 2 La chose fut faicte si bien
Que nul jamais n'en scaura rien.
- 3 Ces deux freres s'aymeront fore
Si l'un a l'autre ne fait tort.
- 4 Si tu es prompt & diligent.
Jamais ne feras indigent.
- 5 Il aura sur toute personne
Bon esprit & memoire bonne.
- 6 Pour suys sans celle & importune
En fin auras bonne fortune.
- 7 Souuent en si grande beaulte
On traite peu de loyaute.
- 8 Pour seruir le Roy en cetens
Beaucoup en a de mal contentens.
- 9 A cause de sa mere folle
Jamais ne vaudra pour l'escolle.
- 10 Vous estes tous fort aduansez
Plustost mourrez que ne pensez.
- 11 Je croy qu'ilz auront tant d'amis
Qu'un bon accord y sera mis,
- 12 Il n'ordonne chose qui vaille
Je n'en prendrois pour vne maille.

- 1 Ceste medecine est bien bonne
Prenez la donq puis, qu'on l'ordonne.
- 2 N'enquerez plus, ceste missive
Ne faict tort à homme qui viue.
- 3 Je ne scay par qui ce sera
Mais en la fin on le sçaura.
- 4 Ilz seront tous deux bien d'accord
Si pour les biens n'y a discord.
- 5 Reculle vn peu pour mieux faillir,
Tu ne peux à grans biens faillir.
- 6 Cest enfant moult de bien sçaura
Et sur tous bon esprit aura.
- 7 Pour le plus court au tens present
Il n'est que faire vn bon present.
- 8 Tu es aymé en cest endroit
Si tu l'aymes c'est à bon droict.
- 9 Il est bon que seruice on face
Maintenant pour entrer en grace.
- 10 Il est trop prompt & volontaire
Il le faut faire secretaire.
- 11 Le plus ienne & le plus mignard
Premier montrera selon cest art.
- 12 Pensans leur querelle venger
Touz deux seront en grand danger.

- 1 Cest assaillant de la victoire
Emportera l'honneur & gloire.
- 2 Ne souffrez pas que lon vous seigne
S'autre medecin ne l'enseigne.
- 3 Ce n'est qu'une lettre commune
Qui à nully n'est importune.
- 4 Ton vice à beau estre celé,
Car en fin sera reuelé.
- 5 Ces deux freres veu leur maintien
Nes'accorderont iamais bien.
- 6 Riche seras competement
Et si auras contentement.
- 7 Il sera fort prompt à comprendre
Mais sa memoire sera tendre.
- 8 Il vaudroit mieux le tout quitter
Que si long tens solliciter.
- 9 Tu es discret & as du bien
Voila pourquoy on t'ayme bien.
- 10 N'entrez en court comme apprentiz
Les gaus y mengent les peüz.
- 11 Il aymera (l'on ly veut mettre)
Toute science & bonne lettre.
- 12 Point n'en faut rompre son cerueau
Aussi tost meurt vache que veau.

- 1 Celay d'entre eux qui moins a d'age
Aura sur l'autre l'avantage.
- 2 Le defendeur en ce debat
Aura victoire s'il combat.
- 3 Is vous vus il bien certifier
Qu'il ne fait pas bon s'y fier.
- 4 Ceste lettre contient de nouvelles
Qui n'est ne plaisante ne belle.
- 5 La chose sera descoverte
N'en doubtez point à going ou perte.
- 6 Les deux freres dont tu t'enquiers
Ne s'accorderont pas volontiers.
- 7 Par amorce & chicheté
C'estuy visndra en pauvreté.
- 8 A cest enfant nature donne
Grand esprit & memoire bonne.
- 9 Vne belle solliciture
Le fera inger tout à l'heure.
- 10 De ceste femme ie m'attens
Qu'elle t'aymera quel que tens.
- 11 D'estre à tel service arresté
Sera plus doux que libereté.
- 12 Cestuy sera de bon esprit
Soit en parole ou par escript.

1 Il aura bonne amé & encline
A toute binnediscipline.

2 Le plus grand de ces deux en y
Sera prestaler en terre moy.

3 Ilz n'ont pas de combatre en y.
Tous deux ont gréd pens de leur y.

4 Si tu es délicat & tendre
Mieux vante en pallez qu'd'en pren-

5 De la lire autrement de tache
Car il moy amon qui te fache.

6 Je t'assure de ton secret
Car t'habonne est prudent & discret.

7 Ilz sont de nature assez bonne
De vivre en paix le leur ordonne.

8 Tu es enclin de ta nature
A estre moche ou de mesure.

9 Cest enfant (idunaturement)
Sera saige par laictement.

10 Si v'ostre iuge est indigent
Le fault appaiser pas argent.

11 Retire t'en si tu es saige
Tel amout n'est pas heritaige.

12 Entre hardiment en tel service
Car la fortune t'est propice.

- 1 Si tu es homme de raison
Tu demostres en ta maison.
- 2 Il ne fera pas bon de mettre
Cestuy pour apprendre la lettre.
- 3 Iouez au fort, c'il qu'il aura
Sera le premier qui mourra.
- 4 C'est assai tant s'il ne s'appaie
En trouuera la fin mauuaise.
- 5 La medecine qu'il ordonne
S'elle est bien faicte fera bonne.
- 6 Ceste misere tel cas porte
Qu'assez tost viendra qui la porte.
- 7 On le scaura quoy qu'on retarde
Par vne langue babillarde.
- 8 Ces freres seront à blasmer
Dont ils ne pourront s'eux aymer.
- 9 Par sa malice enrichira
Mais en la fin tout s'en ira.
- 10 Cestuy n'aura l'esprit bien faict
En danger d'estre vn fol parfaict.
- 11 Pourfuis & entens à ton faict
Car la iustice est sans effect.
- 12 Retire toy de sa prison
Son amour n'est que trahison.

- 1 Si ton amour est foible & lent,
Le sien est bien plus violent.
- 2 Ce ne sera pas ton plus court,
De maintenant servir en court.
- 3 Il aura l'esprit vn peu rude,
Pour bien apprendre en son estude.
- 4 Cestuy qui fait ceste demande
Premier mourra, quoy qu'il attende.
- 5 Croy qu'aucun mal ne se feront,
Leurs amis les appaiseront.
- 6 C'est medecine laxative,
Qui est falcheuse & corrosive.
- 7 Ceste cy vaut mieux la moitié,
Car riens n'y a que d'amitié.
- 8 Ceste chose en secret tenue,
A nul vinant sera cogneue.
- 9 Ilz seront ainsi que i'espere,
L'vn à l'autre amy & bon frere.
- 10 Cestuy aux richesses parvient,
Si grand malheur ne luy aduient.
- 11 Fort bon sens par nature aura,
Mais ieunesse le gastera.
- 12 Si quelque present n'est touché,
Vostre proces est accroché.

- 1 Croyant par serment sa partie
La querelle est tost departie.
- 2 Il est bien aymé & sera
Yant qu'il bien aussi l'aymera.
- 3 Tant plus on va plus on s'advance
En servant les gens de finance.
- 4 En ton esprit te me confie
Qu'il aymera philosophie.
- 5 Celuy qui est le plus foyant
Tout le premier yra deuant.
- 6 L'assillant est de grand couraige
Et vengera bien son oueraige.
- 7 Gardez bien que ce qu'il ordonne
Trop n'affoiblisse la personne.
- 8 Il n'y a aucun cas vrgent
C'est pour vn marche ou argent.
- 9 La chose bien celer se peut
Nul n'en scaura rien s'on ne veut.
- 10 Ces deux contraires meurs ont ont.
Mais pour honte ilz s'accorderont.
- 11 Faictz tant que tu voudras le chiche
Iamais tu ne deviendras riche.
- 12 Il aura l'esprit si volage
Qu'a peine iamais sera faige.

Iamais

1. Iamais n'aura langue diserte,
Qui luy sera vne grand perte.
2. Par long trauail & grand effort
Les ennemis perdront le fort.
3. Il t'aime bien & t'aimera,
Pour autre ne te changera.
4. Cestuy regnera par long temps,
Ses suiets en seront contens.
5. Si pour songer on se refuseille,
C'est quelque chose de merueille.
6. Vis en espoir & soyez seur
Que cil qui menasse aura peur.
7. Ne faietes nul marché notable.
Car il ne seroit profitable.
8. Quelque chose a prins par la bouche
Qui viuement au cœur luy touche.
9. Ie te conseille escrire en vers
En propos cachez & couuers.
10. Ceste chose ie te deuine
A tres mauuaise fin decline.
11. Celuy aura plus longue vie
Qui sur son frere a moins d'enuie.
12. Le bonnet rond luy est propice,
Pour crocheter yn benefice.

- 1 Par son esprit & diligence
Riche sera plus qu'il ne pense.
- 2 Il sera meur en son parler,
Dont il pourra par tout aller.
- 3 Quelque bon accord se fera,
Dont tout le camp deslogera.
- 4 Son amitié est peu loüable.
Car il a le cœur variable.
- 5 Il regnera plus qu'on ne pense,
S'aucun grand excès ne l'offense.
- 6 Le beau songe que tu as fait,
Ne signifie aucun effect.
- 7 Tu es craintif & fort timide,
Petite peur te met en bride.
- 8 Si vous voulez rien acheter,
Je suis d'avis de vous haster.
- 9 Ce qui le rend si langoureux,
N'est que d'un bruage amoureux.
- 10 Mets toute escriture en arriere,
Et ne te fie en chambriere.
- 11 Ceste chose aura fin ioyeuse.
Fortune y sera gracieuse.
- 12 Lequel mourra premier ne chaille,
Car rien n'est que la mort n'assaille.

- 1 Chacun des deux soit sur sa garde,
La mort l'un & l'autre regarde.
- 2 En vain cestuy travaillera,
Car pourtant riche ne fera.
- 3 Assez hardiment parlera,
Mais rien qui vaille ne dira.
- 4 Ce fort sera prins sans faillir,
Qui le voudra bien allaillir.
- 5 Tu n'en auras jamais bonheur,
De mettre en ses mains ton honneur.
- 6 Ce Roy bien peu de temps viura,
Car l'ennemy le poursuira.
- 7 Ce, où de iour auois pensé,
De nuict en songe est aduancé.
- 8 Tires paoureux à tous abois,
Qui fueilles craint ne voise au bois.
- 9 Qui maintenant achetera
Grand chose, il s'en repentira.
- 10 Ce n'est pas fort, mais vne femme
L'a fait ainsi, afin qu'il l'aime.
- 11 Ne mets aucun escrit en voye,
Il faut que toy mesmes la voye.
- 12 Qui mieux ne s'y hazardera
Jamais bien ne succedera.

- 1 En rien douter ne conuendra
Que tout à bonne fin viendra.
- 2 Celuy viura plus longuement,
Qui se tiendra plus chastement.
- 3 Si tu peu x femme à gré seruir,
Grans biens en pourras de seruir.
- 4 Par beau parler plaisantera,
Dont grans seigneurs frequentera.
- 5 Les ennemis rien ny feront ,
Mas bien faschez delogeront.
- 6 Son amitié n'est pas commune,
Si plusieurs aime, il n'en sert qu'une.
- 7 Ce Roy longuement regnera,
Mais ses suiets ruynera.
- 8 Du songe qu'on met en auant
Autant en emporte le vent.
- 9 De ceste peur en bref aura
Tel moyen qui l'asseurera.
- 10 Achetez ce qu'on vous veut vendre,
On pert bien souuent pour attendre.
- 11 Ne faut pour sort chercher remede,
Mais pour l'esprit qui le possede.
- 12 Telle missiue on fait tenir
Qui fait la dame au poinct venir.

- 1 Si tu ne peuz faire autrement,
Au moins escripts secrettement.
- 2 Si le moyen n'en est louable,
Si sera la fin honorable.
- 3 On voit aduenir bien souuent,
Que le plus ieune va deuant.
- 4 Tu doibs auoir par ton estude,
Des biens en grand beatitude.
- 5 Il parlera mieux en tous cas,
Que ne fetoient les aduocats.
- 6 La place à present assigée,
Sera destruiete & saccagée.
- 7 Il t'ayme bien & luy aussi.
N'en aye donc plus de soucy.
- 8 Plustost mourra au li&t d'honneur,
Que d'estre pris en deshonneur.
- 9 Ce songe rien ne signifie,
Qui vray soyt, fol est qui si fie.
- 10 Cestuy iour & nuit ne repose,
Tant il a peur de peu de chose.
- 11 Si voulez achepter ou vendre,
Ne fai&tes rien sans conseil prendre.
- 12 Ce n'est qu'humeur melancolique,
Qui en fin le rendra ethique.

- 1 S'il seuffre mal c'est pour son vice,
Car ce n'est sort ne malefice.
- 2 Les lettres les amours accusent,
Pour tant sont folz ceux qui en vsent.
- 3 Si l'entreprise est bien conduite,
A bonne fin sera reduitte.
- 4 Celuy des deux premier mourra,
Qui le plus de biens acquerra.
- 5 Tu acquerras par l'accointance,
De grans seigneurs grande finance.
- 6 Cest enfant aura beau langage,
Et maintien d'hōme hōnelste & saige.
- 7 On n'aura le fort sans bataille.
Pourueu qu'en brief on l'aitaille.
- 8 N'ayez soucy ne ialousie,
Que sur autre il ayt fantasie.
- 9 Ce regne est mal encommencé,
Aussi sera peu aduancé.
- 10 Ce songe est de grand consequence,
Il merite bien qu'on y pense.
- 11 En seureté sera remis,
Finablement par ses amis.
- 12 N'acheptez rien ny ne vendez,
Je vous conseille qu'attendez,

- 1 Mieux ne pourrois t'accommoder,
Que maintenant pour marchander.
- 2 Cestuy n'est point enforcelé,
Mais c'est vn mal par trop celé.
- 3 Qui prent messaige, ou escripture,
Met ses amours à l'adventure.
- 4 La fin, l'entrée & les moyens,
Auront moult d'inconueniens.
- 5 Celuy aura plus de durée,
Dont la fin est plus desirée.
- 6 Grans biens auras, mais sur le tard,
Encor sera par grand hazard.
- 7 Cestuy quelque chose qu'on face,
Ne parlera de bonne grace.
- 8 On le prendra s'on s'en efforce,
Par subtilité ou par force.
- 9 Vostre amy n'est pas si leger,
Pour vne autre de vous changer.
- 10 Combien qu'il soit doux & clement,
Il ne regnera longuement.
- 11 Qui bien ce songe exposerait,
La verité y trouuerait.
- 12 S'il a peur qu'il vofse à refuge,
Demander assurance au iuge.

- 1 Tu es trop craintif & peureux.
A peine auras barre sur eux.
 - 2 Rien à present n'achepterez,
Ou vous perdrez ce qu'y mettez.
 - 3 Il est atteint de forcerye,
Qui luy fera grand fascherie.
 - 4 Il vaudroit mieux si tu es saige,
Toy mesme en faire le messaige.
 - 5 La chose dont tu veus sçauoir,
Ne doibt pas bonne fin auoir.
 - 6 Le plus auare de ces deux:
Il doibt mourir le premier deux.
 - 7 Si veus à seruir t'employer,
En fin en auras grand loyer.
 - 8 En parler sera gracieux,
Mais en son port audacieux.
 - 9 A ceux de dedans le cueur fait,
Ilz seront pris d'vn seul assaut.
 - 10 Il ne t'ayme que bien petit,
Car changement donne appetit.
 - 11 Regner pourra par quelque espace,
Mais en fin quitera la place.
 - 12 Vostre songe n'est que folie,
N'en prenez poinct melancolie.
- Ce songe

- 1 Ce songe on doibt pour vray tenir,
S'il n'est aduenu doibt venir.
- 2 N'aye de riens crainte ou frayeur,
Car tel qui menasse a grand peur.
- 3 L'heure, le tens & les personnes,
Pour achepter te seront bo nnes.
- 4 Soyez seur qu'on ne luy fit onques,
Sort ne malefice quelc onques.
- 5 L'amant discret & bien appris,
Craint par missiue estre surpris.
- 6 Ceste chose quoy qu'il aduienne,
Ne peult qu'a borne fin ne vienne.
- 7 Celuy doibt viure d'auantaige,
Qui de tous deux est le plus saige.
- 8 Soys diligent fay ton debuoir,
Tu pourras grand richesse auoir.
- 9 Il sera facond' & affable,
A peine on verra son semblable.
- 10 Tel chat ne se prent pas sans mouffles,
Quelqu'vn y lairra ses pantouffles.
- 11 Il t'ayme bien ie t'en assure,
Soys luy aussi fidele & seur.
- 12 Le Roy qui est du peuple aymé,
Aussi Dieu l'ayme & n'est blasme.

H

- 1 Il n'aura pas longue durée,
Sa mort est desia preparée.
- 2 Ne croyez rien de vostre songe,
Sinon que cest vne mensonge.
- 3 Tu as grand peur, non sans propos,
Mais en brief seras à repos.
- 4 N'acheptez pour le present rien,
Car il ne vous en viendrait bien.
- 5 Croyez c'est vraye sorcerye,
Qui pourra estre à tens guerye.
- 6 N'enuoyez lettre ne messaige,
Vous mesme en ferez d'auantaige.
- 7 Aduisez vous, car ceste chose,
A mauuaise fin se dispose.
- 8 Celuy qui tient l'autre à mespris,
Sera pour vray le premier pris.
- 9 Par ton excessiue largesse,
Tu n'auras iamais grand richesse.
- 10 En contrefaisant le plaisant,
D'autruy sera grand mesdisant.
- 11 Ce lieu par feu, force & famine,
En fin sera mis en ruyne.
- 12 En cest amy ne metz ton cueur,
Car pour certain c'est vn mocqueur.

- 1 Tu as vn amy bien fidele,
Il faut aussi que luy soys telle.
- 2 Ce Roy sct fort bien gouverner,
Dieu le fera long tens regner.
- 3 Ce songe que lon me propose,
Signifie quelque grand chose.
- 4 N'aye peur, mais garde toy bien,
Car tout en fin viendra à rien.
- 5 L'heure est maintenant bien dispose,
Pour traffiquer en quelque chose.
- 6 C'en'est point fort quoy qu'on en die.
C'est naturelle maladie.
- 7 Escribez luy subtilement,
Et enuoyez secretement.
- 8 Qui saigement se contiendra,
La chose à bonne fin viendra.
- 9 Ilz sont bien loing de leur deces,
Si l'vn des deux ne faict excès.
- 10 Si tu te conduictz sagement,
Tu enrichiras grandement.
- 11 Il aura langaige agreable,
Le maintien doux & amiable.
- 12 Les enfermez sont si vaillans,
Qu'ilz ne craindront les assailans.

- 1 Bien tost qui de pres la tiendra,
La forteresse se rendra.
- 2 Tu es d'un bon amy pouruenë,
Qui ne te lairra despourneuë.
- 3 Ce Roy dont on parle soit seur,
D'auoir bien tost vn successeur.
- 4 Tu en croyras ce que voudras,
Mais pour ce songe tu craindras.
- 5 Il faut en toy prendre esperance,
Sans auoir pœur mais assurance.
- 6 Il fait bon, pour faire partaige,
Ou acheter quelque heritaige.
- 7 Ce n'est sort n'incantation,
Mais folle imagination.
- 8 Si elle escript & scet bien lite,
Danger n'ya de luy escripre.
- 9 Pursuis viument importune,
Aux plus hardiz ayde fortune.
- 10 Celuy qui plus estudira,
Premier à l'autre à Dieu dira.
- 11 A marchander & traffiquer,
Grans biens tu pourrois pratiquer.
- 12 Assez de langaige il aura,
Mais rien à propos ne dira.

- 1 Il ne vaudra riens à l'estude,
Car il aura l'esprit trop rude.
- 2 A son honneur quoy qu'il endure,
Il se vengera de l'iniure.
- 3 Cest amour ne fault iamaiz,
Que par l'amy ie vous prometz.
- 4 Ce Roy est de bonne nature,
A vn chascun fera droicure.
- 5 Le songe dont es en malaise,
Predict quelque chose mauuaise.
- 6 Il est de soy bien fortuné,
Pour iamaiz n'estre empoisonné.
- 7 Cessez d'en faire plus querelle,
Car iamaiz n'en orrez nouvelle.
- 8 Si ce tesmōing est bien traicté,
Il dira plus que verité.
- 9 Il fault que le pere trauaille,
S'il veult auoir enfant qui vaille.
- 10 Quoy que l'enfant iamaiz ne fait,
De le croire c'est son proffit.
- 11 Ils n'auront ia par leur proesse,
Ne grand honneur ne grand richesse.
- 12 N'espere point auoir grans biens,
Ieune ne viel tu n'auras riens.

- 1 Grans biens auras & ieune & vieulx
En despit de tes enuieux
- 2 De sa nature il sera saige,
S'il n'apprent sera grand dommage.
- 3 Si tu te veulx en Dieu soubzmettre,
Tu seras vengé sans main mettre.
- 4 Cest amour fauldra par l'amyce,
Qui fera faulte & infamyce.
- 5 Ce Roy de conseil vsera
En tous les actes qu'il fera.
- 6 Prens garde à toy & à ton bien,
On songe plustost mal que bien.
- 7 Garde toy que ceulx qui te hantent,
Quelque poison ne te presentent.
- 8 Ceste chose sera sans doute,
Recouerte en partie ou toute.
- 9 Cestuy est droict & veritable,
Aussy est personne notable.
- 10 Ilz auront selon leur desir,
Grand nombre d'enfans à plaisir.
- 11 Tu congnoistras si tu es saige,
Qui est son pere à son visaige.
- 12 A tous deux grans biens sont promis,
Mais ilz auront bien peu d'amis.

- 1 Si l'aîné poursuit sa fortune,
La trouuerra plus opportune.
- 2 Si tu ne te metz en hazard,
Riche ne seras tost ne tard.
- 3 Il seroit meilleur cheualier,
Qu'il ne sera bon escolier.
- 4 De soy venger n'ayt point d'espoir,
Car il n'a force ne pouuoir.
- 5 La fin en sera peu loüable,
Car l'vn & l'autre est variable.
- 6 Il ne faut point qu'on luy conteste,
Car rien ne fera qu'a sa teste.
- 7 Ton songe te donne assurance,
A fin de viure en esperance.
- 8 C'est à bon droit qu'il en a peur,
Mais qu'il se garde d'vn trompeur.
- 9 Doresnauant prenez mieux garde,
Sur le surplus qu'on ne le perde.
- 10 Cestuy sçaura le bien celer,
Et le mal dire & reueler.
- 11 Ils sont mal conioinctz ce me semble,
Pour auoir des enfans ensemble.
- 12 Ne fault point que le pere tasche
D'auoir responce qui le fasche.

- 1 Sa mere qui en releua,
Diroit bien comment il en va.
- 2 Si le puisné veult prosperer,
A la court se doit retirer.
- 3 Il sera riche sans tarder,
Si l se peulr des femmes garder.
- 4 Si le voulez au monde mettre,
Plus profitera qu'a la lettre.
- 5 Du tort & grief qu'on luy fera,
En peu de tens se vengera.
- 6 Ceste amitié tant durera,
Que la mort les separera.
- 7 Ce Roy est propre à tel office,
Car il ayme Dieu & iustice.
- 8 Ce songe vient de teste creuse,
La fin en fera dangereuse.
- 9 N'en fault auoir si grand soucy?
Car tu ne mourras pas ainsi.
- 10 Le larron auez à la suyte,
Si tant peu en faictes poursuyte.
- 11 Ce tesmoing est homme de bien,
Ce qu'il dira ne nuyra rien.
- 12 Ils en auront, mais que la dame,
Face de buoir d'honneste femme.

Assez

- 1 Assez auront, & filz & filles,
Car pour engendrer sont habiles.
- 2 Encor faut il qu'il ayt vn pere,
Mais ie n'en croiray que la mere.
- 3 L'aîné par femme doit auoir
Bonne fortune & grand auoir.
- 4 Pour tout certain riche seras,
Deslors que tu n'y penseras.
- 5 S'il fuyt l'estude en son ieune age,
Il deuiendra grand personnage.
- 6 Tel souuent cuyde, & s'en tourmète,
Venger sa honte qui l'augmente.
- 7 L'amitié par dons procurée,
Ne peut auoir longue durée.
- 8 Cestuy fera en tous endroitz,
Observer iustice & les droitz.
- 9 Ce songe predict vn bon heur,
Ou le songeux aura honneur.
- 10 Si tu te doubtes de poison.
Ne pren repas hors ta maison.
- 11 Pour quelque cas qu'ayez perdu,
N'en soit vostre esprit es perdu.
- 21 Ce tesmoing pourroit trop parler,
Car il ne peut dissimuler.

- 1 Ce tesmoing verité dira,
De ce qu'on luy demandera.
- 2 Ils auront des enfans assez,
Avant que leurs ans soient passez.
- 3 Il ne faut qu'on luy impropere,
Autre que luy estre son pere.
- 4 Le ieune s'il est bien instruiçt,
Fera vn iour quelque grand fruiçt.
- 5 Quand du plaisir seras forclus,
Tu auras des biens tant & plus.
- 6 Il a l'esprit prompt & ydoine,
Soit pour le monde ou estre moine.
- 7 On n'a pas tout ce qu'on demande,
Le battu sounent paye amende.
- 8 Leur amour n'est que volupté,
Qui s'en va comme la beauté.
- 9 Par trop son peuple chargera,
De tribuz qu'il exigera.
- 10 Ce songe, si bien on le poyse,
Signifie ennemis ou noyse.
- 11 Tu n'es en danger ie t'asseure,
D'autre venin que de luxure.
- 12 Oubliez la chose est perdue,
Car iamais ne sera rendue.

- 1 Faiçtes le bien par tout chercher,
En brief l'aurez sans vous fascher.
- 2 Ce qu'il en fcet il le dira,
A cil qui l'interrogera.
- 3 Ils ne faudront pas qu'ilz n'en ayent,
Mais si c'est tard, qu'ilz ne s'esmayent,
- 4 La mere est saige & n'a forfait,
Partant c'est son pere en effect.
- 5 L'aisné aura grand'alyance,
Et de haulx seigneurs l'acointance.
- 6 Modere ta folle ieunesse,
Si tu veux auoir grand richesse.
- 7 Cestuy n'a d'apprendre mestier,
Il le vaut mieux mettre au monstier.
- 8 Il te faut au seul Dieu renger,
Car nul ne t'en peut mieux venger.
- 9 Tel amour ne pourra faillir,
Que mort ne les vienne assaillir.
- 10 Ce Roy n'est bon pour gouverner,
Il va, ou on le veut mener.
- 11 Ce songe si bien tu l'entendz,
Te dict qu'auras ce que pretendz.
- 12 Il ne faut boire ne manger,
On en sera hors de danger.

- 1 Si tu es riche & opulent,
Pour ta santé soys vigilant.
- 2 N'y pensez plus car s'en est fait,
Ou ie suis vnement eur parfait.
- 3 Ne t'attens pas que rien depose,
Pour te seruir de quelque chose.
- 4 La femme est chiche & trop actiue,
Iamais n'aura enfant qui viue.
- 5 En cest enfant n'a vitupere,
Cil qui l'engendra cest son pere.
- 6 Le ieune à grans biens parviendra,
Par vn bon heur qui luy viendra.
- 7 N'espere point sinon bien tard,
Auoit des biens de quelque part.
- 8 L'enfant n'apprendra iamais rien,
Mettez le ailleurs vous ferez bien.
- 9 Tu te mettras en grand danger,
Et si ne t'en pourras venger.
- 10 Ceste amitié mal commencée,
Entr'eux sera bien tost laissée.
- 11 Soubz vmbre de donner iustice,
Il vendra le iuge & l'office.
- 12 Ce songe en effect apparent,
Predict la mort d'vn tien parent.

- 1 De ce songe vous certifie,
Qu'un mariage signifie.
- 2 Ne pense qu'on cherche ta vie.
Aucun n'a dessus toy enuie.
- 3 Ne pensez point que ce soit perte,
Car bien tost sera recouuerte.
- 4 Cestuy la verité dira,
Mais s'il peut à nul ne nuyra.
- 5 Ils auront grand nombre d'enfans,
Qui seront beaux & triumphans.
- 6 Ce pere doit l'aduouër sien,
Car il luy ressemble assez bien.
- 7 Le plus ieune par bon seruice,
Aura estat, ou benefice.
- 8 Soit en ieunesse, ou en vieillesse,
Toufiours aura grande richesse.
- 9 Bien seroit aux lettres, & mieux
S'on le faisoit religieux.
- 10 Tu pourras honorablement,
Venger le cas finalement.
- 11 La mort seule aura la puissance,
De dissoudre telle alianç.
- 12 Il regnera sans villennie,
Sans cruauté, & tyrannie.

- 1 Ce Roy sera sur tous inique,
Et sur son peuple tyrannique.
- 2 Ce beau songe de nature,
Signifie malle aduenture.
- 3 Tu crains la poison à merueilles,
Pour t'en sauuer faut que tu vueilles.
- 4 N'y pensez plus, quoy? c'est fortune,
Vous n'en recouutez chose aucune.
- 5 Ce tesmoing qui l'introduira,
Dira tel cas qui te nuyra.
- 6 La femme est mal accompagnee,
Pour en tirer grande ligne.
- 7 Le pere doit estre celuy,
Qui doit sçauoir s'il est à luy.
- 8 Qui mieux à l'estude entendra,
Sera celuy qui paruiendra.
- 9 Grans biens n'aura en general,
Car il sera trop liberal.
- 10 C'est abusé qu'on le pense estre
(Pour estudier) quel que-grād maistre.
- 11 Si del'iniure on t'offre amende,
Accepte la ie te commande.
- 12 Par l'amy trop dissoluë,
L'amitié sera resoluë.

- 1 Ceste amitié continuera,
Et iusqu'à la mort durera.
- 2 En bonne equité regnera,
Et sagement gouvernera.
- 3 Qui pense à mal à mal il songe,
L'esprit malin sans fin se ronge.
- 4 Tu as le cœur trop féminin,
De tant te doubter de venin.
- 5 Ne vous faschez aucunement,
Le tout r'autez entierement.
- 6 Cestuy dira la verité,
Dont quelqu'un sera irrité.
- 7 Le pere en fait bien son debuoir,
Il doit plusieurs enfans auoir.
- 8 Chacun pour verité le tient,
Que c'est à luy qu'il appartient.
- 9 Le puisné sera diligent,
Et moins que son frere indigent.
- 10 Ton bon esprit fait grand promesse,
Qu'auras des biens dès ta ieunesse.
- 11 Il n'aura iamais habitude,
Ny au conuent ny à l'estude.
- 12 Dissimul' vn peu ceste iniure,
Tel n'est pas vaincu qui endure.

- 1 De telle iniure & violence,
En brief sçaura prendre vengeance.
- 2 Cest' amour tiendra longuement,
S'ils s'y gouernent sagement.
- 3 Soubs sa Royale majesté,
Son peuple aura felicité.
- 4 Le songe dont tu te deffie,
Riens que tout bien ne signifie.
- 5 Il est subtil & bien sçaura,
Donner ordre que mal n'aura.
- 6 Qui finement pourchassera,
En brief sa perte trouuera.
- 7 C'est vn finet, comment qu'il aille
Il ne dira chose qui vaille.
- 8 Ilz sont tous deux assez dispoz,
Leurs enfans viendront à propos.
- 9 Croire il en faut sans contredict,
Ce que la mere en aura dict.
- 10 Le plus petit par son bon sens,
Riche sera plus que cinq cens.
- 11 Si tost que voudras prendre peine,
De biens verras ta maison pleine.
- 12 S'il vouloit aux lettres entendre,
C'est le meilleur qu'il pourroit prédre.

Faites

- 1 Faiétes luy sa grammaire apprendre,
Vous ne pouuez en ce mesprendre.
- 2 Pour son bon sens, est arresté,
Qu'il sera mis en liberté.
- 3 La dame ayme d'amour loüable,
L'amy ne faiét pas le semblable.
- 4 De ce Roy on doit estimer,
Qu'il se fera craindre & aymer.
- 5 Par ce presage tu doibs faire,
En diligence ton affaire.
- 6 Ce n'est venin quoy qu'on en die,
Mais naturelle maladie.
- 7 Il n'est deduit que de la chasse,
Et pour suyrla beste à la trace.
- 8 Il n'en sera iamais deliure,
Mais y mourra selon ce liure.
- 9 Je croy qu'il tient à tous les deux,
Pour la grande auarice d'eux.
- 10 S'il vit ou s'il meurt ne vous chaille,
Vous n'en amendrez d'vne maille.
- 11 Cherche autre part ton alliance,
Car cestuy n'est en ma plaissance.
- 12 Tu n'auras grans biens par nature,
Ne par art, ne par aduenture.

- 1 Des biens aura tant qu'il voudra,
Ou sa fortune-luy faudra.
- 2 La science de chacun droict,
Luy fera propice & à droict.
- 3 En brief sera hors prison mys,
Par le moyen de ses amys.
- 4 A cest amant ie donne blasme,
De froidement aymer sa dame.
- 5 On en fera bien peu de compte,
Car de mal viure il n'aura honte.
- 6 Ce presage sans doubte aucune,
Signifie bonne fortune.
- 7 Ce sont humeurs qui le destruisent,
Presque autât que venim luy nuisent.
- 8 La chasse est bien plus merueilleuse,
En l'air qu'au bois & plus ioyeuse.
- 9 Cestuy sera par tout remis,
Malgré de tous ses ennemis.
- 10 Pourtant si la femme retarde,
Si en auront ils quoy qu'il tarde.
- 11 Qu'en sa mort aucun ne s'attende,
Il n'en a veyne qui y tende.
- 12 Il t'ayme & ne voit qu'a demy,
Sois luy semblablement amy.

- 1 En luy n'y a point d'assurance,
Partant n'y faut auoit fiance.
- 2 Tout ce que par art luy viendra,
Follement il le despendra.
- 3 Il aymera la medecine,
C'est la science ou plus s'encline.
- 4 Difficile e st trouuer la voye,
Qu'en liberte iamais se voye.
- 5 Des deux ne diray autrement,
Fors que l'vn ayme & l'autre ment.
- 6 De ses subiects maudit sera,
Car leur substance exigera.
- 7 Je tiens ce qu'as veu pour presage,
Qu'il te predit perte & dommage.
- 8 Donnez luy vn preseruatif,
Car le venin est trop hastif.
- 9 C'est grand plaisir de voir aux boys,
Quelque sanglier mettre aux abboys.
- 10 Sa liberte est amortie,
Pour auoir trop forte partie.
- 11 Le mary est par trop ardent,
Sa femme attendra cependant.
- 12 Qu'il dispose de sa maison,
Car de partir il est saison.

- 1 Si de faire excès il se garde,
De mourir encor il n'a garde.
- 2 L'amy dernier qu'avez acquis,
Sera sur tous le plus exquis.
- 3 Telle aventure luy viendra,
Qu'a grand richesse parviendra.
- 4 Je dis que son esprit s'applique,
Pour bien apprendre la musique.
- 5 Il s'y conduira finement,
Dont en sortira briefuement.
- 6 Ces deux amans comme il me semble,
Sont bien associez ensemble.
- 7 Ce Roy de bonté l'exemplaire,
Aymé sera du populaire.
- 8 Ce presage est signe apparent,
De la mort d'un proche parent.
- 9 Croyez qu'il n'est empoisonné,
Par venim qu'on luy ayt donné.
- 10 Les dames n'ont autre desir,
Qu'avec faulcons prendre plaisir.
- 11 Un bon amy le soustiendra,
Si bien qu'a la fin reuiendra.
- 12 La dame est bien faicte, & ne tient
Qu'a son mary qu'elle soustient.

- 1 Il peut à la dame tenir,
Qui ne sçet pas au point venir.
- 2 Cestuy viura comme i'affirme,
Iusques à son naturel terme,
- 3 Cestuy est loyal & fidele,
Et son amour est de bon zele.
- 4 Tu auras vn iour grand richesse,
Par ton esprit & par finesse.
- 5 Il aymera philosophie,
Son naturel le signifie.
- 6 On porte à cestuy telle enuie,
Qu'il y sera toute sa vie.
- 7 L'amant a le cueur plus vollage,
La dame à bien meilleur courage.
- 8 Son peuple qui, ne l'aymera,
De cruauté le blasmera.
- 9 De ce presage ie tesmoigne,
Qu'il te predict honte & vergoigne.
- 10 On luy a fait certainement
Tel cas qui luy nuist grandement.
- 11 L'vn & l'autre sont fort ioyeux,
Mais la chasse i'aymerois mieux.
- 12 Il est pour y finir ses iours,
S'il n'a de ses amis secours.

- 1 Encor sera finalement,
R'appellé honorablement.
- 2 Le mary n'en doibt auoir blasme,
En luy ne tient, c'est à la dame.
- 3 Encores viura longuement,
Mais qu'il se garde sagement.
- 4 A seureté le doibz aymer,
Car en luy n'y a point d'amer.
- 5 Il aura naturellement
Grans biens à son commandement.
- 6 Il pourra estre en lettre sainte
Vn grand docteur, ce n'est pas fainte.
- 7 I'ay de cestuy bonne esperance
Qu'en brief aura sa deliurance.
- 8 L'amant est plus ferme & constant,
La dame nel'ayme pas tant.
- 9 Il fera gracieux & doux,
Il se fera aymer de tous.
- 10 Ce signe ne predict que ioye,
Et d'un bon heur que Dieu t'enuoye.
- 11 Ce n'est le venim qui l'opresse,
Mais le reliqua de ieunesse.
- 12 Je louë la course & deduiçt,
D'un bon leurier qui est bien duiçt.

1 C'est grand plaisir d'un lieure pris,
Par chiens courans & bien appris.

2 Il est banny à tousioursmais,
Croyez qu'il n'en viendra iamais.

3 La dame n'en doibt blasme auoir,
Car elle en faict bien son debuoir.

4 Il viura le cours de nature,
Quoy qu'a aucuns le tens trop dure.

5 Cestuy quoy qu'il soit bien aymable,
A mon aduis sera muable.

6 Des biens auras en abondance
Par bon esprit & prouidence.

7 Il fera quoy qu'il estudie,
Un gros animal d'Arcadie.

8 Cestuy trouuera le moien,
De sortir hors sans paier rien.

9 Pour son amour il faict maint pas,
Elle aussi ne s'y faindra pas.

10 Ce Roy sera victorieux,
Dont son peuple l'aymera mieux.

11 Tout ce qu'as veu, est vn presage,
Que tu doibs prendre en bon vsage.

12 C'est mauuais vent, qui s'en yra,
Et dont briefuement guarira.

- 1 On luy a faict boire ou menger,
Tel cas dont il est en danger.
- 2 Le gentil faulcon a grand cueur,
C'est vn plaisir s'il est vainqueur.
- 3 Ne pensez pas iamais le voir
De son bien iouissance auoir.
- 4 Nel'vn ne l'autre faict debuoir,
Soit pour fournir ou receuoir.
- 5 Sa nature est trop refroidie,
En brief mourra par maladie.
- 6 Il faut aymer pour estre aymé,
Autrement en serois blasmé.
- 7 Il n'aura is bonne aduventure,
Soit par art, fortune, ou nature.
- 8 Cestuy mettra toute sa cure,
A voir les secretz de nature.
- 9 S'autre aduventure ne l'emmaine,
Il n'en sortira de sepmaine.
- 10 Leur amitié change souuent,
Elle est plus legere que vent.
- 11 Vn Roy n'est digne d'amitié,
Qui de son peuple n'a pitié.
- 12 Ce presage dont as frayeur,
T'aduertist de quelque malheur.

Ce presage

- 1 Ce presage selon droieture,
Predict quelque bonne aduventure.
- 2 Croyez que cestuy ne beut onques,
De venim, ne poison quelconque.
- 3 Les chiens & les oyseaux ensemble,
C'est vn grand plaisir ce me semble.
- 4 Cestuy sera comme i'entens,
Remis par tout dans certain tens.
- 5 La dame est prompte à receuoir,
Mais bien tardiuë à conceuoir.
- 6 Cestuy viura plus voluntiers,
Que ne voudront ses heritiers.
- 7 Ce compaignon dont tu t'enquiers,
Sera fidele voluntiers.
- 8 Fortune, nature, & raison,
Te donnetont riche maison.
- 9 Les ieux aymera voluntiers,
Plus que l'escolle ou les monstiers.
- 10 Il a bien moyen d'en sortir,
Mais il n'est pas tens de partir.
- 11 Tous deux ayment d'affection,
Il n'y a point de fiction.
- 12 Il regnera si iustement,
Qu'on l'aymera parfaictement.

- 1 Le pauvre peuple n'aymera
Ce Roy qui conuoyteux sera.
- 2 Ne t'arreste point au presage,
En Dieu te fie & seras saige.
- 3 Cestuy à, ou ie suys mocqueur,
Quelque venim dessus le cueur.
- 4 L'oyseau donne plaisir aux yeux,
Qui fait que son vol i'ayme mieux.
- 5 Il n'est pas prest d'auoir sa grace,
Quelque pour s'uyte qu'on en face.
- 6 L'vn est trop froid, & l'autre chaut,
L'vn trop s'aduance. & l'autre fait.
- 7 Ne t'enquiers point dessus sa vie,
Car en ses biens n'auras enuie.
- 8 En cest amy a tel deffaut,
Que ce n'est pas ce qu'il te faut:
- 9 Il sera pauure & langoureux,
Car iamais ne sera heurreux.
- 10 Il suyura les armes belliques,
Ayant les histoires antiques.
- 11 Il n'en sera iamais hors mis,
Si ce n'est à force d'amis.
- 12 La dame a le cueur plus entier,
Car l'amy n'est qu'un villotier.

- 1 Ils sont tous deux vrayz amoureux,
Ie ne sçay qui ayme le mieuz.
- 2 Cestuy sera fort estimé,
Et de son peuple bien aimé.
- 3 En ce presage y a bon heur,
Ilte predict ioye & honneur.
- 4 Ce n'est venim qui lui meffaiçt,
Mais vn grand excès qu'il a faiçt.
- 5 La chasse ie voudrois choisir,
Pour mieuz en auoir mon plaisir.
- 6 Il aura tant de bons amis,
Qu'en ses estatz sera remis.
- 7 La dame est preste à conceuoir,
Si l'homme faisoit son debuoir.
- 8 Long tens viura selon nature,
S'il n'est affoibly par luxure.
- 9 Cestuy est amiable & doux,
Il sera fidele sur tous.
- 10 Cestuy aura quelque bon heur,
Dont serz riche & en honneur.
- 11 Toute science delectable.
Luy sera bonne & profitable.
- 12 De telle poison ie m'estonne,
Qu'en danger soit de sa personne.

- 1 Ce prisonnier sera deliure, ¹
Prochainement ce di& ce liure,
- 2 L'amy doibt auoir l'aduantage,
Quoy qu'elle ayme de bon courage,
- 3 Pere du peuple on le dira,
Car le bien commun gardera.
- 4 Pour vn presage qu'on a veu,
Ne faut pas estre despourueu.
- 5 Il a senty quelque air infect,
Qui le rend si palle deffect.
- 6 La chasse sans l'oyseau se fai&,
Sans chiens l'oyseau a peu d'effect.
- 7 Par son esprit si bien sçaura
Poursuyr son r'appel qu'il l'aura.
- 8 S'ils n'ont tous deux enfansen somme,
Certes il ne tient pas à l'homme.
- 9 Tel de son pere à la mort pense,
Qui premier ira à la danse.
- 10 En luy n'y a point de demy,
Toufiours sera parfaict amy.
- 11 Tu seras tant auare & chiche,
Que sur la fin deuiendras riche.
- 12 Il aymera toute science,
Pour en auoir l'experience.

- 1 Il est rustiq de sa nature,
Qu'on le mette a l'agriculture.
- 2 Quelque tristesse qu'on te voye,
En fin sera tournée en ioye.
- 3 Il ayme ton bien & honneur,
D'auoir tel amy c'est bon heur.
- 4 Cestuy sera riche & puissant,
Et son Royaume florissant.
- 5 Nallez chercher en tant de lieux,
La verité en ces faulx dieux,
- 6 Ceste mort est bonne de foy,
Quant on la souffre pour la foy.
- 7 De te marier n'aye enuie,
Mais fois garçon toute ta vie,
- 8 Il seruira de bonne grace,
Encor qu'il fust de noble race.
- 9 C'est qu'elle est grasse & en bõ point,
Car d'enfant elle n'en a point.
- 10 Pourchasse ailleurs, fol est cestuy,
Qui veult s'attendre au plat d'aultruy.
- 11 Il n'est pas bon pour ta mesgnye.
Cherche ailleurs autre compaignye.
- 12 D'auoir iamais n'aye assurance,
Ce que tu as en esperance.

- 1 A ton plaisir & en brief tens,
Auras la chose que pretents.
- 2 S'il escript bien faitz le notaire,
Tabellion ou secretaire.
- 3 Ne soys fasché, car ta tristesse,
En fin tourneras en liesse.
- 4 En cest amy n'aye fiance,
Car ie n'y voy point d'assurance.
- 5 En guerre n'aura son pareil,
Car il fera tout par conseil.
- 6 Il ne fault point auoir fiance,
Que rien soit seur en nigromance.
- 7 La mort est bonne en sa prouince,
Pour soustenir le droict du prince.
- 8 De bonne mere pren la fille,
Le marier t'est fort vtile.
- 9 Il sera de noble nature,
Et franc sur toute creature.
- 10 Elle est d'un enfant grosse & pleine,
Qui luy donra beaucoup de peine.
- 11 Il sera opulent en biens,
Par la succession des siens.
- 12 Suy le hardiment tel qu'il soit,
Bien fin sera s'il te deçoit.

1 Il ne te fault l'accompagner,
A perdre ya plus qu'a gagner.

2 Il n'a la fortune prospere,
Pour obtenir ce qu'il espere,

3 Cestuy volontiers apprendra,
Tout ce qu'aux armes conuicudra.

4 En ceste tristesse il mourra,
Car amender ne la pourra.

5 Il n'est amy mais vn mocqueur,
Garde toy d'y mettre ton cueur.

6 Son ne le cherche, il cherchera,
Et d'auoir guerre taschera.

7 Par geomantie seroit,
Le tout sceu qui bien la feroit.

8 La mort est tousiours rigoureuse,
Bien peu en est qui soit heureuse.

9 Si me crois ne te mariras,
Car ialoux ou coqu seras.

10 Cestuy tant qu'il sera viuant,
Sera vn seruiteur seruant.

11 Aucun enfant n'a dans le ventre,
Mettre y en fault ou qu'il y entre.

12 D'auoir succession qui vaille,
Ne ty attends partant trauaille.

- 1 Tu peuz auoir si tu es faige,
De tes parens grand heritage.
- 2 Il est digne qu'on l'accompaigne.
Sans le laisser en la campagne.
- 3 Il aura tout ce qu'il attend.
En la maniere qu'il pretend.
- 4 Fai&tz luy apprendre la pain&ture,
Et les portai&tz d'architecteure.
- 5 Cestuy sera selon ce liure,
De ses ennuyz bien tost deliure.
- 6 Cest amy est bon & loyal,
Aussi lui doibs estre feal.
- 7 Lors que la guerre finera,
Son peuple en paix gouuenera.
- 8 N'en croyez point aucun deuin,
Qui riens ne dit s'il n'a le vin.
- 9 La mort du bien viuant desire,
Car celle du pecheur est la pire.
- 10 Si tu veulx viure & auoir ioye,
Sui de mariage la voye.
- 11 Nature le fai&ct noble & franc,
Plus que ne fai&ct le noble sang.
- 12 Elle est grosse comme i'entens,
Mais il n'y a pas fort long tens.
Si grosse

- 1 Sigrosse n'est ne luy soit grief,
Car elle le sera de brief.
- 2 Encor suras comme i'espere,
Quelque iour les biens de ton pere,
- 3 Sa compagnie est bonne & belle,
Latiene luy soit aussi telle.
- 4 Il aura la chose sans doubte,
Qu'il espere en partie ou toute.
- 5 Faites lui apprendre à escrire,
A bien compter, & à bien lire.
- 6 Il est fasché de telle sorte,
Qu'il a besoing qui le conforte.
- 7 Cestuy est desloyal & faulx,
Ce n'est pas bien ce qu'il te fault.
- 8 Tant qu'il ayt bien senty la guerre,
Il n'aura la paix sur sa terre.
- 9 Vous n'en scaurez rien que l'escotte,
De tout le fait, si n'est par force.
- 10 Aucuns prient la mort soudaine,
Pource qu'on meurt à moindre peine.
- 11 Gardet'en bien car qui se charge,
De femme, prend vne grand charge.
- 12 Il sera de moienne guise,
Entre seruitude & franchise.

- 1 Il aura bone nourriture,
Et sera de franche nature.
- 2 I'asseure bien quelle est enceinte.
D'vn belenfant ce n'est pas faincte.
- 3 D'amender riens ne t'atten pas,
Par testament ne par trespas.
- 4 Accompaignez ceste personne,
Car sa compaignie est tresbonne.
- 5 Ce que tu pretens est ton heur,
Aussi l'auras à grand honneur.
- 6 S'on le fait orfeure ou changeur,
En l'or aura & au change heur.
- 7 Ceste tristesse passera,
Et fort ioieux en brief sera.
- 8 Cestuy te monstre par effect,
Qu'il est vray amy & parfait.
- 9 Mieux aymera paix achepter,
Qu'en guerre les gens molester.
- 10 Vn yurongne, vn fol, vn enfant,
Diront le secret qu'on deffent.
- 11 En languer la vie est trop chere,
Moins viure. & faire bonne chere.
- 12 Soy marier ce n'est point vice,
Mais souuent on entre en seruice.

- 1 Pour empescher quil ne varie,
Je suis d'avis qu'il se marie.
- 2 Son esprit sera dur & rude,
Et destiné à seruitude.
- 3 Il la fault vn peu soullager,
Car elle est grosse & en danger.
- 4 Ne t'attends point à ton parent,
Pour estre riche & apparent.
- 5 Si ce n'est bien à grand besoing,
De l'aecompagner n'aye soing.
- 6 Il aura le bien pretendu,
Quand il aura bien attendu.
- 7 Cestuy la mer frequentera,
Et grans biens en r'apportera.
- 8 Si tu auois en toy constance,
Tu ferois au ducil resistance.
- 9 Tu ne luy diras ton affaire.
Sinon autant qu'en as affaire.
- 10 Par son esprit t'endra paisible.
Son penle tant qu'il est possible.
- 11 Qui bien l'art magicque entendroit,
Il scauroit tout ce qu'il voudroit.
- 12 La mort contraincte a plus de gloire,
Par la saignée, ou venim boire.

- 1 Si la mort venoit à desir,
Le liét d'honneur voudrois choisir.
- 2 Le ioug est fort de mariage,
Ne t'y metz point si tu es saige.
- 3 S'il ne sert il se fera tort,
Car il sera puissant & fort.
- 4 Ce sont humeurs dont elle est plaine
Car la dame n'est gueres saine.
- 5 A pere, mere, frere, ou seur,
De s'y attendre il n'est pas seur.
- 6 De l'accompagner ne te chaille,
Car il ne vaut pas vne maille.
- 7 N'espere point choses si grandes,
Tu n'auras ia ce que demandes.
- 8 Il sera bon à tout mestier.
Soit cordonnier ou pelletier.
- 9 Il est triste & melencolique,
Resiouyr le fait paraulique.
- 10 Or quelque chose qu'il te face,
C'est amy n'est de bonne grace.
- 11 Te Roy sera cruel & fier,
Chascun le voudra deffier.
- 12 Vous n'en scaurez la verité,
Si n'est par escrit suscité.

- 1 Fuyez ces diuinations,
Ces sont que deceptions.
- 2 Toute mort est abhominable,
Ien'en voit point qui soit louable.
- 3 Il t'est besoin auoir lignee,
Mais pren femme qui soit bien nee.
- 4 Cestuy n'aura chose si vile,
Que la condition seruite.
- 5 C'est d'un enfant, n'en faut doubter,
Mais il pourra bien cher couster.
- 6 Tu rencontres telle fortune,
Que six maisons te feront vne.
- 7 Accompagnez le seurement,
Vous en aurez soulagement.
- 8 Ce que demandes en brief tens,
Te rendra ioyeux & contens.
- 9 Fy de mestier, c'est son plus court
De s'uyre en ieunesse la cour.
- 10 Le tens ainsi qu'il passera,
Toute tristesse appaisera.
- 11 Garde cestuy comme l'œil dextre,
Car meilleur amy ne peut estre.
- 12 En paix il regnera s'il peut,
Car il la desire & la veut.

- 1 Il aymera trop d'auoir guerre,
En danger de perdre la terre.
- 2 Ne foyez point tant incité,
Pour trouuer en fort verité.
- 3 Pour bien mourir il faut bien viure,
Pour de ce monde estre deliure.
- 4 Tien toy de mariage arriere,
Que mariage ne te fiere.
- 5 De bien seruir ce n'est pas vice,
On gaigne amis par bon seruice.
- 6 Ceste n'est pas quoy qu'on en die,
Grosse d'enfant, c'est maladie.
- 7 Va t'en ailleurs chercher adresse,
De tes parens n'auras richesse.
- 8 Va t'en plustost loing à l'escart,
Chercher compaignie autre part.
- 9 Qu'il espere tant qu'il voudra,
A son desir ne paraendra.
- 10 Il seroit fort bon cousturier,
Drappier, tondeur, ou tainturier
- 11 S'il ne prent garde à son affaire,
On luy donra plus fort affaire.
- 12 En toy te fie, à toy regarde,
Et d'vn chascun te donne garde.

- 1 Cil ou tu as affection,
Est vray amy sans fiction.
- 2 Il aura la felicité,
D'auoir pais & tranquillité.
- 3 On en sçaura bien autrement,
La verité entierement.
- 4 Auoir enfans biens, & bon age,
Donne à mourir meilleur courage.
- 5 Prends femme habile à conceuoir,
Plus grand bien ne pourrois auoir.
- 6 Ce ieuné enfant sans en mentir,
Ne voudra point s'assubiectir.
- 7 Elle est enceinte, & aura ioye,
De son enfant mais qu'ell'le voye.
- 8 Cestuy aura, ou tost ou tard,
Des biens de son pere grand part.
- 9 Ne laisse cestuy pour tout rien,
Car en luy ne verras que bien.
- 10 Ce qu'il espere entierement,
Il obtiendra facilement.
- 11 Cestuy n'aymera que les ieux,
Et instrumens melodiaux.
- 12 Ne t'esbahis de ta fortune,
Que tu n'en ayes encor vne.

- 1 Sa tristesse aneantira,
Et en bien se conuertira.
- 2 Il n'est pas tel comme il fait mine,
Garde toy bien qu'il ne taffine.
- 3 Il regnera par sa proesse.
En bonne paix & en liesse.
- 4 Ne vous fiez en l'art magicque,
C'est vn abus diabolicque.
- 5 Mourir est bon de mort notable.
Qui soit au peuple profitable.
- 6 Cil qui veut viure en liberté,
Ne doit à femme estre arresté.
- 7 De lasseruir ce n'est droiture,
Son cœur est noble de nature.
- 8 S'elle n'est grosse, ie me vante,
Quelle n'en perdra que l'attente.
- 9 Il aura vn iour grand richesse,
Mais ce sera par la proesse.
- 10 Plustost t'en deburois eslongner.
Que le suyure & acompagner.
- 11 Il aura le bien & la chose,
Qu'il attend, quoy qu'on s'y oppose.
- 12 Cestuy aymera fort l'vsaige.
De paindre, ou tailler quelqu'Image.

- 1 Son cueur plein de melancholye,
Pense souuent mainte folye.
- 2 Il net'en faut doubter de rien,
Car il ne demande que ton bien.
- 3 Soubz ton credit auras amys,
Qui autrement sont ennemys.
- 4 Il sera de si noble affaire,
Qu'il fera ce qu'un Roy doit faire.
- 5 Si l'ire de Dieu ne s'appaïse,
La guerre nous sera mauuaïse.
- 6 Costuy malgré ses enuieux,
Long tens viura & sera vieux.
- 7 La fille plaist pour quel que tens,
Mais la vesue à deniers contens,
- 8 D'un tel varlet donne toy garde,
Sa langue est pire que lezarde.
- 9 Un filz auez mais prenez garde,
De trouuer vne bonne garde.
- 10 Beaucoup de biens, mais chers seront,
Pour les tributz qui haulseront.
- 11 Il vaut mieux encor seiourner,
Que telles gens accompaigner.
- 12 A peu de biens, de grans affaires,
A peu d'amis grans aduerfaires.

- 1 Il fera bien, & s'il peut mieux,
Qu'il n'aura sur luy enuieux.
- 2 Cestuy a le cuer si loyal,
Qu'il ne s'adonne à penser mal.
- 3 Il te vent, & peut decepuoir,
A ton affaire faut pouruoir.
- 4 Tu auras amis à ta table,
Dont l'amitié n'est gueres stable.
- 5 Pour l'ennemy vaincre & gagner,
Son corps n'y voudra espargner.
- 6 Sinous n'auons à Dieu recours,
Paix & iustice n'auront cours.
- 7 Fusse ton parent ou ton pere,
Il viura plus que l'on n'espere.
- 8 La fille est follastre & ioyeuse,
La vesue est saige & cauteleuse.
- 9 Il est bien saige & arresté,
Mais il veut estre bien traité.
- 10 C'est vn filz, & peut estre deux,
Dont le pere sera ioyeux.
- 11 L'année sera gracieuse,
Et de plusieurs biens fructueuse.
- 21 Mieux vaut qu'il y voyse que non,
Pour acquerir bruyt & renom.

- 1 L'heure n'est pas bien opportune,
Pour fuyure compaignie aucune.
- 2 Fasché seras & ennuyeux,
De voir sur toy tant d'enuyeux.
- 3 Ton cueur felon & r'emply d'ire,
En mal pensant tousiours soufpire.
- 4 Cestuy si bien vous decepura,
Que nul ne s'en aperceura.
- 5 Tu es d'honneur ambitieux,
Aussi auras maintz enuieux.
- 6 Pour estre auare & conuoiteux,
Son peuple en sera souffreteux.
- 7 L'ambition & l'auarice,
(Des grans seigneurs) force iustice.
- 8 En brief mourra, comme on desire,
Mais du tens ie ne le puis dire.
- 9 La vefue scet que c'est d'honneur,
Mieux sçaura traicter son seigneur.
- 10 En ce varlet n'auras fiance,
Il n'a pas bonne conscience.
- 11 C'est vn beau filz droict & sans vice,
Mais donnez luy bonne nourrice.
- 12 Qui aura bledz & vins en garde,
Le luy confeille qu'il les garde.

- 1 Des biens aurons à grand foison,
Ceste année en toute saison.
- 2 La compagnie, & l'heure est bonne,
Suylà si le cas s'y adonne.
- 3 Nul n'aura sur toy fantasie,
S'il n'est esmeu de ialousie.
- 4 Il pense aux amoureux plaisirs,
Et de contenter ses desirs.
- 5 Il ayme à vous faire seruice,
Ne luy imputez rien à vice.
- 6 L'estat te fera mescongnoistre,
Et bien peu d'amis apparoitre.
- 7 Il sera preux & de grand soing,
Pour les gens defendre au besoing.
- 8 De bien tost voir i'ay assurance,
Iustice & paix regner en France.
- 9 Il viura plus selon ce sort,
Que cil qui desire sa mort.
- 10 De l'un & l'autre on a plaisir,
Quant on les scet à gré choisir.
- 11 Gardez le, c'est vn bon seruant
Pour vous, tant qu'il sera viuant.
- 12 Ceste damoiselle gentille,
N'enfantera que d'une fille.

- 1 Sachéz qu'un beau filz elle aura,
Duquel en ioye accouchera.
- 2 Le ciel menasse fort la terre,
Cest an de luy faire la guerre.
- 3 Tien toy seullet en ta maison,
Car de partir n'est pas saison.
- 4 Pour les enuieux ne sois las,
Tel abboye qui ne mort pas.
- 5 Cestuy ne pense en verité,
Qu'a tout bien & honesteté.
- 6 Prenez bien garde à vostre affaire,
Il ne tâche qu'à vous mal faire.
- 7 Si tu fais bien on t'aymera,
Si faitz mal on te blasmera.
- 8 Si peu fera compte d'argent,
Qu'il rendra son peuple indigent.
- 9 Ne pensez point auoir iustice,
Tant que meschantz auront office.
- 10 Cestuy viura par si long tens,
Que plusieurs n'en seront contens.
- 11 La fille douce & amiable.
Plus que la vefue est agreable.
- 12 Ce seruiteur faiçt bonne mine,
Garde toy bien qu'il ne t'affine.

- 1 Il ne veult que bien & honneur,
Et loyauté à son seigneur.
- 2 Elle aura vn fils voirement,
Mais ne fera sans grand tourment.
- 3 La terre est bien mal ordonnée,
Pour auoir grans biens ceste annee.
- 4 Si cest compagnie honorable,
L'heure est auili bien conuenable.
- 5 Mout denueux te courront sus,
Mais en fin viendras au dessus.
- 6 C'est vn bon refueur, qui sans cesse,
Songe à la malice & finesse.
- 7 De cestuy ne vous fault challoir,
Car de mal faire n'a voulloir.
- 8 En quelque estat que seras mis,
Tu acquerras de bons amis.
- 9 Il sera franc & chef propice,
Pour bien conduire vn exercice.
- 10 Alors iustice regnera,
Que le conseil gouuenera.
- 11 Cestuy viura sain & deliure,
Plus qu'on ne le soubzhaite viure.
- 12 Pren fille si tu es dispos,
Ou vefue si tu veux repos.

- 1 Si tu me croy pren vne fille,
Car à dompter est plus facile.
- 2 A ce seruiteur que voyez,
Ne vous fiez si me croyez.
- 3 Je donne à la dame presente,
Vne tresbelle fille & gente.
- 4 Ceste annee assez bien s'ordonne,
Pour estre suffisamment bonne.
- 5 Si tu m'en croys tu n'yras pas,
Pour le danger d'un mauuais pas.
- 6 Si te peulx par raison condnyre,
L'enuieux te pourra nuyre.
- 7 Il pense à faire aucun voyage,
Ou quelque chosse assez volage.
- 8 Quant il le voudroit il ne peult,
Il ne fait pas tout ce qu'il veult.
- 9 Pour estre aymé ne te faitz craindre,
Ne donnant moien de se plaindre.
- 10 En guerre sera diligent,
Mais qu'on luy baille force argent.
- 11 Quant on viura en amitié,
Lors Dieu aura de nous pitié.
- 12 Il mourra bien tost i'en suis seur,
Mais ne sera en grand langueur.

- 1 Il pourra dans brief tens mourir,
Sans qu'on l'en puisse secourir.
- 2 Le ieune, la pucelle preigne.
Le vieil, à la vefue se tienne.
- 3 Ce seruiteur feroit oultrage,
S'il oloit monstret son courage.
- 4 Elle sera d'un fils deliure,
Mais ie croy qu'il n'est pas pour viure.
- 5 Des fructs de terre on aura peu,
Mais chascun en sera repeu.
- 6 D'aduis ne suis d'accompaigner,
Ceulx qu'on t'est venu enseigner.
- 7 D'enuieux n'auras point, pourquoy?
Par ce que n'auras pas dequoy.
- 8 Il a ses pensers bien diuers,
Et les tient secrets & couuers.
- 9 Il fault fuyr tout ce qui nuyt,
Cen'est tout or ce qui reluyt.
- 10 Ayme vn chascun on t'aymera,
Faistz iustice, on t'estimera.
- 11 Il sera chiche & casanier,
Sans point les armes manier.
- 12 Faictes le mieulx que vous pourrez,
Iamais bonne paix ne verrez.

Iustice

- 1 Justice paix certainement,
Leur regne auront finalement.
- 2 Cestuy de viure a si grand signe,
Qu'il deuiédra plus blanc qu'un cigne.
- 3 La jeune fille est plus avmable,
Et pour le plaisir agreable .
- 4 Ce seruiteur quant est de foy,
Est loyal & de bonne foy.
- 5 Son ventre est rond comme vne bille,
Le croy qu'elle aua vne fille.
- 6 Voicy l'un que les vsuriers ,
S'en iront pendre en leurs greniers.
- 7 Il n'est meilleure heure que ceste,
Pour suyure compagnie honneste.
- 8 Cestuy se gouerne si bien,
Que l'enuieux n'y mordra rien .
- 9 Cestuy pense, non sans raison,
Aux affaires de la maison.
- 10 Il est loyal & de foy bonne,
Douter ne fault de sa personne.
- 11 Cest homme en telle grace abonde,
Qu'aymé sera de tout le monde.
- 12 Il sera franc pour bien despendre,
Preux & vaillant pour se desfendre.

O

- 1 A tous sera en general,
Doux & humain & liberal.
- 2 Justice & paix ne regneront,
Tant que les guerres dureront.
- 3 Croyez cestuy ne mourra pas,
Sitost qu'on voudroit son trespas.
- 4 On pourroit trouver vesue telle,
Qui vaudroit mieux qu'une pucelle.
- 5 Cestuy tant bien soit il appris,
Est maling, & sera repris.
- 6 Ceste d'un filz enfantera,
Qui le pere contentera.
- 7 Si Dieu ne pense es biens & fruietz,
Ilz seront tous cest an destruietz.
- 8 Sila compaignie est ioyeuse,
Aussi est l'heure bien heureuse.
- 9 Tu seras riche & tresheureux,
En despit de tes enuieux.
- 10 Il pense à faire villennie,
En quelque affaire qu'il manie.
- 11 Il veult & peut vous decepuoir,
Il fault sur luy bon œil auoir.
- 12 Tu acquerras beaucoup d'amis,
Aussi auras moult d'ennemis.

- 1 Tandis qu'auras biens amassez,
Tu auras des ames assez.
- 2 Il aymera faire largesse,
Au reste plein de grand proesse.
- 3 Si nous n'auons recours à Dieu,
Iustice & paix, n'auront point lieu.
- 4 Ne pensez pas d'auoir ses biens,
Il viura tant que n'aurez riens.
- 5 La ieune fille est à choisir.
Pour d'vne femme auoir plaisir,
- 6 Il est seur & homme de bien,
S'il n'empire il seruira bien.
- 7 Ceste dame semble pesante,
D'vne fille sera gifante,
- 8 Des frui&zaurons moiennement,
Et d'autres biens compettemment.
- 9 Ceste heure pour aller à l'ayse,
N'est ne trop bonne ne mauuaise.
- 10 Pourueu que ne sois point ialoux,
Tu te feras aymer de tous.
- 11 Cestuy n'a point autre desir,
Que de penser à son plaisir.
- 12 Ne vous fiez pas trop aux gens,
Mesmement qui sont indigens.

- 1 Qu'il soit sur la garde s'il veult,
Car il le deceura s'il peult.
- 2 Par ton estat & pres & loing,
Auras des amis au besoing.
- 3 Il sera liberal, & prompt,
Pour a l'ennemy faire franc.
- 4 Lors que la guerre cessera,
La iustice en regne sera.
- 5 S'il ne se garde sagement,
Il ne viura pas longuement.
- 6 De fille à faire on a service,
La vesue on prend par auarice.
- 7 Si le maistre est bon & loyal,
Le seruiteur sera feal.
- 8 Asez vault vne fille bonne,
Prenez en gré ce que Dieu donne.
- 9 Cest an ne fault que te reposes,
Car peu aurons de toutes choses.
- 10 Pour bien ton affaire asseurer,
Ie te conseille demeurer.
- 11 Tu auras grand nombre d'amis,
Et peu d'enuieux ennemis.
- 12 Son pensement est variable,
Aussi iamais n'est veritable.

- 1 Il dict ce qu'il pense & desire,
Et pense bien verité dire.
- 2 Si sagement te veux conduire,
Nul enuieux te pourra nuire.
- 3 Vn pauvre amy de bon voulloir,
Mieux que le riche peut valloir.
- 4 C'est vn vray tyran que celuy,
Qui s'empare du bien d'autruy.
- 5 Ne vous mettez si tost en uove,
Que mauuais heur ne vous conuoye.
- 6 Il mourra vieil quoy qu'on en die,
Mais fort subiect à maladie.
- 7 Ce que tu ayme point n'auras,
Mais ailleurs te contenteras.
- 8 Ne pren cestuy pour te seruir,
Car tu n'en pourrois pas cheuir.
- 9 Cestuy sera fort solitaire,
Aymant peu parler, ou se taire.
- 10 Les bledz & vins, & pied fourché,
Ne seront point à bon marché.
- 11 Ce iuge n'est pas profitable,
Car il est rude & mal traictable.
- 12 Tu n'y feras bien ton affaire,
Car fortune y sera contraire.

- 1 Suy ta fortune & ne crains rien,
Car le hazard te dira bien.
- 2 N'estiméz pas qu'il soit mocqueur,
Ce qu'il dit & luy prouient du cueur.
- 3 Ne soys fasché mais fort ioyeux.
En despit de tes enuyeux.
- 4 Le riche est bon pour secourir,
Et le pauvre amy pour courir.
- 5 Celuy doit estre à Roy tenu,
Qui de sang Royal est venu.
- 6 N'y allez pas si c'est bien loing,
Si cest pres en auez besoing.
- 7 A long tens viure est destiné,
Si par excès n'est ruyné.
- 8 A ioye & à liesse grande,
Aura celuy quelle demande.
- 9 Pour estre à ton intention,
Sache de luy sa nation.
- 10 Cestuy vouldra selon raison,
Viure en honneur en sa maison.
- 11 Febues, poix, huylles, & potaiges:
Assez aurons, peu de fruiстаiges.
- 12 Ce iuge est bon & gracieux,
On ne pourroit souhaiter mieux.

- 1 Ce iuge à mon intention,
Est de mauuaise affection.
- 2 N'y meätz rien, ou tu le perdras,
Ou follement le despendras.
- 3 Il ne dict pas tout ce qu'il pense,
Amour luy en a faict defense.
- 4 Il faut aller droict en besongne,
Car maint enuieux sur toy grongne.
- 5 Le pauure amy n'a force aucune,
Le riche sert pour sa pecune.
- 6 Cestuy fault prendre pour regner
Qui scet que c'est que gouuerner.
- 7 Partez hardiment, car fortune,
Est à vostre opportune.
- 8 Il sentira le grand effort
Des sa ieunesse, de la mort.
- 9 C'est grand follie de s'attendre,
Qu'en tel lieu on vous vueille prendre.
- 10 Vn breton long tens seruira,
Mais en fin te desseruira.
- 11 Cestuy ne prisera vertu,
Ne la science vn seul festu.
- 12 De bleds & vins faitz en ta queste,
Car ilz seront en grand requeira.

- 1 L'espicerie sera chere,
Du reste on fera bonne chere.
- 2 Ce iuge quant à sa personne,
A nature amiable & bonne.
- 3 Riens ne perdras en cest endroit,
Si tu es equitable & droit.
- 4 Assurez vous qu'alors il ment,
Quant plus l'affirme par serment.
- 5 Cest homme dont ie mesmerueille,
N'a enuieux qui mal luy vueille.
- 6 On ne scet pas que peu valloir,
Le pauvre amy de bon vouloir.
- 7 La puissance grande & soubdaine,
En fin au peuple est inhumaine.
- 8 Le tens n'est pas bien aduenant,
Pour chemin faire maintenant.
- 9 Il viendra à vieillesse telle,
Qu'il faudra comme vne chandelle.
- 10 Tu n'auras (dont me faietz pitié) 01
Ce qu'as choisi par amitié.
- 11 De tout pays bon seruiteur,
Mais de bien rencontrer, c'est heur.
- 12 Cest enfant a vn signe heureux,
D'estre plaisant & amoureux.

Cest

- 1 Cest enfant grand espoir me donne,
D'aymer vertu & chose bonne.
- 2 Huelles fourrages, & grains menuz,
Seront à bon marché tenuz.
- 3 Ce iuge sera sage & bon,
Mais qu'il ne soit surpris par don.
- 4 A toy la fortune dispose,
D'auoir grand guain en ceste chose.
- 5 Croyez pour yray ce qu'il dira,
Car d'un seul mot n'en mentira.
- 6 Tu as grand nombre d'ennemys,
Qui encontre toy se sont mys.
- 7 Quand le pauvre ayme pau le bien,
Le n'en ferois compte de rien.
- 8 Souuent le filz que l'on espere,
D'estre Roy, faiét pis que son pere.
- 9 Il est tens de se mettre en voye,
Pour en retourner en grand ioye.
- 10 Ieune il mourra soubdainement,
Par son mauuais gouvernement.
- 11 Tu'entreprins en trop hault lieu,
On t'y pourroit bien dire à Dieu.
- 12 Cil que pour seruir on t'ameine,
Regarde bien s'il est du Maine.

- 1 Ne pense pas que soit grant heur,
Que d'auoir tousiours seruiteur.
- 2 Cest enfant n'aura son desir,
Qu'a volupté & son plaisir.
- 3 Le meliours que ceste annee,
Aurons beaux bleds & grand' vince.
- 4 Ce iuge se maintiendra bien,
Car il ne veut qu'honneur & bien.
- 5 En ceste chose tien toy seur
D'y auoir proffit & honneur.
- 6 Tout ce qu'il vous a dit de bouche,
Assures vous qu'au cueur luy touche.
- 7 Soyez affable humain à tous,
Nul n'aura enuye sur vous.
- 8 Pour bien vous dire verité,
Vn riche a plus d'authorité.
- 9 Le peuple est subiect à la loy,
Selon la loy aura son Roy.
- 10 Attendez encor à demain,
Pour entreprendre ce chemin.
- 11 Il viura tant comme il pourra,
Et puis en vieillesse mourra.
- 12 Vous aurez à vostre plaisir,
Ce qu'a voulu le cueur choisir.

- 1 Vostre cueur en bon lieu aspire,
Il obtiendra ce qu'il desire.
- 2 Tu ne pourrois seruir toy mesme,
Mais il te fault varlet de mesme.
- 3 Cestuy sera malicieux,
Homme mondain & vicieux.
- 4 Trop chers seront (pour les fourrages)
La chair le beurre, & les fromaiges.
- 5 Ce iuge est sage & arresté,
Mais il est vn peu affecté,
- 6 Du proffit auras largement,
Si t'y gournes sagement.
- 7 Il parle peu, mais sa parolle,
De l'abondance du cueur volle.
- 8 Mieux vault qu'on ayt de la moiitié,
Sur toy ennye que pitié.
- 9 Vn pauvre ayme le myeulx souuent,
Car l'honneur du riche se vend.
- 10 L'eslection est fort louable,
Car on choisit homme capable.
- 11 Si maintenant trop tu t'eslongne,
Tu en auras honte & vergongne.
- 12 Jeunes ou vieux il fault mourir,
Et ne s'en fault point enquerir.

- 1 Il moura dont sera dompage,
Estant en la fleur de son aage.
- 2 N'y metz point si fort ton courage,
Car ne l'auras en mariage.
- 3 S'il te sert bien, traicte le bien.
Laisse le lá s'il ne vault rien.
- 4 Tout son plaisir & son delice,
Sera l'argent & l'auarice.
- 5 De bledz ne vins n'aurons cherté,
Pourueu qu'il ne soit transporté.
- 6 Ce iuge est auaricieux.
Et d'honneur trop ambicieux.
- 7 Il aura s'il faiçt ce qu'il pense,
peu de profit & grand despense.
- 8 Ne croyez pas ce rapporteur,
Car bien souuent il est menteur.
- 9 Ton compaignon qu'aymes le mieulx,
Est dessus toy trop enuieux.
- 10 Il n'y a point d'affinité,
Entre lamour & pauureté.
- 11 L'eslection iamais ne fault,
Mais l'heritier souuent default.
- 12 Tu peulx cheminer seurement,
Car tu n'auras empeschement.

- 1 Commencez tost vostre voyage,
Vous le parferez sans dommaige.
- 2 La mort n'aura sur luy puissance,
Tant qu'il retourne à son enfance.
- 3 Tu auras si faiçts ton deuoir,
Ce que ton cœur souhaitte auoir.
- 4 Si tu veux prendre vn seruiteur,
Enquiers toy bien s'il est menteur.
- 5 De si beaux dons sera vestu,
Qu'il aymera toute vertu.
- 6 Des fruiçts aurons grand quantité,
De bleds bien peu, de vin cherté.
- 7 Cestuy sera courtois & doux,
Et raisonnable dessus tous.
- 8 Tu as si bon sens & bon heur.
Que rien n'y perdras i'en suis seur.
- 9 Cestuy est homme bien croyable,
En sa parole veritable.
- 10 Pour cestuy à tant faiçt fortune,
Qu'on n'a sur luy enuye aucune.
- 11 Le riche à la force plus grande,
Argent faiçt tout ce qu'on demande.
- 12 Le Roy faiçt par succession,
Mieux garde sa possession.

- 1 Pour bien regner & y entendre,
Il vaut mieux le fils du Roy prendre.
- 2 Pour seurement tel chemin prendre,
Encor vn peu vous faut attendre.
- 3 Il est predict sous son chappea u
Que iamais n'aura vieille peau.
- 4 Ostez cela de vostre cueur,
Car vous ne l'aurez i'en suis seur.
- 5 Pour bien seruir & loyal estre,
C'est mal rencontré que d'vn prestre.
- 6 Cela ou plus voudra rascher
Sera au monde & à la chair.
- 7 Cherté de foings & de bestail,
Et tout ce qu'on vend en destail.
- 8 Ce iuge est par trop variable,
Pour estre droict & raisonnable.
- 9 Quelque chose que saches faire,
Tu perdras tout en cest affaire.
- 10 Tout ce qu'il dit n'est euangile,
N'en croyez qu'vn mot entre mille.
- 11 Cestuy sera s'il n'est instruit,
Vn iour par enuieux destruit.
- 12 Vn amy pauvre & vertueux,
Vaut mieux qu'vn riche sumptueux.

- 1 Lamour du riche est plus muable,
Et selon le tens variable.
- 2 On ayme & garde myeux le bien,
Qu'on espere en bref estre sien.
- 3 N'entreprens rien si de leger,
Ou tu tumberas en danger.
- 4 Cestuy viendra iusqu'a vieillesse,
S'il ne fait tort a sa ieunesse.
- 5 Tu auras malgré enuieux,
Ce que ton cueur ayme le mieux.
- 6 Pour te seruir il n'est saison
D'aueir vn prestre en ta maison.
- 7 Cestuy aymera le deduict.
Des ieunos dames iour & nuict.
- 8 On aura c'est an des biens tant,
Que tout aura pris compettant.
- 9 Ce iuge est de bonne nature,
S'il n'est deceu par sa luxure.
- 10 Si tu ne faictz à autruy tort,
La chose viendra à bon port.
- 11 Estimez qu'en vostre presence,
Il ne di& pas tout ce qu'il pense.
- 12 Ne pensez estre (ou suys menteur)
Sans enuyeulx & detracteur.

- 1 Celuy que souuent tu conuye,
A dessus toy plus grande enuye.
- 2 Bonne amityé ne prent adresse,
Par pauureté, ne par richesse.
- 3 Le Roy esleu est agreable,
Et se sent vn peu redeuable.
- 4 Si vous cheminez saigement.
Vous reuiendrez ioyusement.
- 5 Se tienne hardiment sur sa garde,
Car la mort de pres le regarde.
- 6 Si n'as ce que ton cueur desire,
Si auras tu qui doit suffire .
- 7 Pour te seruir à ton v'sage,
Pren vn garson de village.
- 8 Cestuy en saine conscience,
Aymera vertu & science,
- 9 Tout ce qui se vent au marché,
Sera cest an à bon marché.
- 10 Ce iuge par son auarice,
Est dangereux en son office.
- 11 Si en ce faict te conduys bien,
Tu gaigneras beaucoup de bien.
- 12 Il à la langue aussi legeré,
Que le fuzeau d'vne bergere.

Il n'a-

- 1 Il n'accomplira ceste chose,
En la maniere qu'il propose.
- 2 Voyez le au partir de l'estable,
Congnoistrez s'il est profitable.
- 3 Fais maintenant ce qu'as enuye,
Car la fortune t'y conuye.
- 4 Il aura l'honneur qu'il desire,
Mais que trop d'orgueil ne l'empire.
- 5 A peine iamais reuiendra,
Car vn pirate le prendra.
- 6 Cestuy doit mourir par raison,
Dedans l'enclos de sa maison.
- 7 Ces deux feront par leurs querelles,
Grande ouuerture aux maquerelles.
- 8 Pour bien à seruir t'employer,
Tu en auras vn grant loyer.
- 9 Elle sera triste & chagrine,
Et à religion encline.
- 10 Ne commencez maintenant rien,
Car il ne vous viendrait à bien.
- 11 En l'estat ou ce iuge est mis,
Acquerra beaucoup d'ennemis.
- 12 La chose prestée est perdue,
Ismais ne vous sera rendue.

- 1 Tu trouueras tout appresté,
Au besoing, ce qu'auras presté.
- 2 Il parfera finalement
Son entreprise entierement.
- 3 Ie ne te conseille d'entendre,
A ce cheual qu'on te veult vendre.
- 4 Pour le temps present ie t'aduise,
Que fortune te fauorise.
- 5 Laissez la cest honneur mondain,
Comme il vient, il se pert soudain.
- 6 Non obstant le vent & l'orage,
La nef reuiendra sans dommaige.
- 7 Pour accompagner gens meschans,
Cestuy mourra parmy les champs.
- 8 Ces deux mariez ce me semble,
Loyalement viuent ensemble.
- 9 Tu pourrois mourir en seruire,
Fortune n'est pas propice.
- 10 Elle sera fort belle & saige,
Pour bien gouuerner vn mesnaige.
- 11 Ne soyezt tant aspre & vrgent,
Sans regarder à vostre argent.
- 12 Tout le peuple l'aymera bien,
Pource qu'il est homme de bien.

- 1 Ceste se fera tant hayr,
Qu'on au loy voudra obeyr.
- 2 Le profit te rendra q'houy qu'il tarde,
Si necessité n'ou garde.
- 3 Il ne fait tout ce qu'il pense,
N'y fait d'ouï trop grand despense.
- 4 Ce cheual ne seruira bien,
Car il est vicié & ne vault rien.
- 5 Au parauant que de partir,
Garde toy de t'en repentir.
- 6 Plus de profit & moins d'honneur,
Cil qui n'a rien n'a pas bon heur.
- 7 Ce nauire est en grant danger,
De noïr naufrage ou submerger.
- 8 Il ne faut point auoir soucy,
De mourir ailleurs ou icy.
- 9 Le mary loyathe sera,
Mais bien elle s'en vengera.
- 10 Pour en seruice auoir esté,
Il acquerra grand libertée.
- 11 Mieux aymera le bas mestier,
Que d'aller chanter le planier.
- 12 Pour faire en ceure de durée,
Ceste heure n'est pas aheuree.

- 1 Tu ne peux meilleur tens choisir,
Pour bastir vn lieu de plaisir.
- 2 Il sera fort doux & traictable,
Et à tout le peuple agreable.
- 3 Assez à bon vouloir de rendre,
Mais il n'est prest, il fault attendre.
- 4 En bref sera la chose faicte,
Qu'en son cœur il pense & soubzhaicte.
- 5 Prenez ce cheual sans plus dire,
Vous ne pourriez meilleur eslire.
- 6 Elle te veut fauoriser,
Mais garde toy d'en abuser.
- 7 Il paruiendra comme i'entends,
A grand honneur en peu de tens.
- 8 Ceste nef bien tost reuiendra,
Dont vn grand heur vous aduiendra.
- 9 Pour responce luy doit suffire,
Qu'il moura au lieu qu'il desire.
- 10 Les enfans qu'auront par moytié,
Seront les gaiges d'amytié.
- 11 Son seruice plus qu'il ne pense,
Luy donnera grant recompense.
- 12 Ceste sera fort belle & gente,
D'auoir mary sera contente.

1 Ceste pucelle gracieuse,
Seroit saige religieuse.

2 Encor yn peu te fault attendre,
Pour ce bastiment entreprendre.

3 Cestuy, qui me rend esbahy,
N'est trop aymé ne trop hay.

4 On te rendra prochainement,
Ce qu'as presté entierement.

5 Il parfera ou tost ou tard,
De son desir la plus grand'part.

6 Qui ce cheual acheptera,
Croyez qu'il s'en repentira.

7 Faiçts maintenant ce qu'il fault faire,
Vn autre tens sera contraire.

8 Fortune quant serz à mant,
Tournera voz piedz contremont.

9 Si ceste nef reuient aport,
Oncques lason ne fait li fort.

10 Cil qui à bien viure regarde,
Ou il doit mourir ne prent garde.

11 Il est loyal, & elle aussi,
L'vn de l'autre n'aye soucy.

12 Pour vn voire que casseras,
Hors de ton service seras.

Q iij

- 1 Il seruira si loyalement,
Qu'il en aura contentement.
- 2 Ceste aymera des la haissance,
Sesir la mondaine plaissance.
- 3 Tu peux commencer si tu veulx,
Mais d'attendre vn peu serois mieulx.
- 4 Pource que bon iuge sera,
Le commun peuple l'aymera.
- 5 Tunc verras en ton hostel,
Iamais ton prest ne rost ne tel.
- 6 Sa volunté acomplira,
Et nul ne luy contredira.
- 7 Ce cheual est de bon seruice,
Prenez le, car il n'a nul vice.
- 8 Or maintenant ie t'importune,
Poursuit le cours de ta fortune.
- 9 Qui monte plus hault qu'il ne doit,
En est souuent monstre au doigt.
- 10 La nef est trop en mer experte,
Pour y souffrir danger ou perte.
- 11 A mourir tu es inuite,
A lieu de ra natiuite.
- 12 Si leur loyaulté long temps dure,
Certes sera grand aduecture.

- 1 Soit au mary ou à la dame,
Te ne voy rien digne de blafme.
- 2 Pour auoir seruy son seigneur,
Il en viendra à grand honneur.
- 3 Elle sera vn peu foubdaine,
D'aymer la plaifance mondaine.
- 4 Ceste heure n'est pas conuenable,
Pour commencer maison manable.
- 5 Pour sa gloire & ambition,
Sera fans reputation.
- 6 Prenez bien garde du furplus,
Car ce prest cy ne l'aurez plus.
- 7 Cestuy ne viendras pas à bout
De son entreprise du tout.
- 8 Ce cheual ne fault acheter,
Sans bien le faire visiter.
- 9 Si tu faietz ce qu'as entrepris,
Tu en pourras estre repris.
- 10 L'ambition & l'auarice,
En lieu d'honneur te donront vice.
- 11 La nef en mer si fort balance,
Qu'il n'y a pas grande esperance.
- 12 Le monde est pays à tous commun,
Quelque part qu'on meure est tout vn.

Cestuy mourra en pais estrange,
Si sa fortune ne se change.

Je n'y voy pas grant loyauté,
Chascun le faiçt de son costé.

Qu'il serue bien tant qu'il pourra,
Jamais aux biens ne se verra.

A ses parens obeyra,
Mais en religion n'yra.

Vn autre tens tu esiras,
Pour le logis que bastiras.

Cestuy sera d'aucuns aymé,
D'autres hay & diffamé.

Ne vous doubtez, on vous rendra,
Vostre prest quant à point viendra.

De ce que fol pense souuent,
Autant en emporte le vent.

Ce cheual n'est de bonne sorte,
Cherchez vn autre qui vous porte.

Plus ne tenquiers, vn bon affaire,
Pour quelque chose ne differs.

Je ne m'attends pas qu'il aduienne,
Qu'a tel honneur cestuy paruienne.

Il n'en reuient pas de cent vne,
Croyez qu'elle a quelque fortune.

Elle reuient

- 1 Ell' reuiendra a faulxeté.
En quelque part quelle, ayt esté.
- 2 Cestuy dessus son territoire,
Lairra ce monde transitoire,
- 3 On n'eust sceu mieulx les accoupler.
Dieu vueille leur aage doubler.
- 4 Tel en service est arresté,
Qui l'a plus doux que liberté.
- 5 Ceste sera d'honneste vie,
Et de bien faire aura enuie.
- 6 Ores tu peuz bien seurement,
Asscoir le premier fondement.
- 7 Pour sa bonté & grant prudence,
Chascun l'aura en reuerence.
- 8 Ne prestez à telle personne,
Car ce qu'on luy preste, on luy donne.
- 9 Tu accompliras à loysir,
Tout ton vouloir & ton desir.
- 10 Prenez le cheual qu'on veult vendre.
Car vn millieur ne pourriez prendre.
- 11 En peu de tens ne te desplaïse,
Si tu as fortune mauuïse.
- 12 Si tu at credit & faueur,
Tu paruiendras à cest honneur.

R

- 1 Il veult à trop grant honneur tendre,
Il en pourroit bien bas descendre.
- 2 Le nauire est en pleine mer,
En bien grant danger d'abismer.
- 3 En quelque pays que tu demeures,
En ce lieu fauldra que tu meures.
- 4 Si le mary en est en coulpe,
On luy fera de tel pain souppe.
- 5 Par le seruice qu'il veult faire,
Accomplira vn grant affaire.
- 6 Ceste aymera plus voluntiers,
Le ieu d'amours que les monstiers.
- 7 Ne bastiz point ceste iournee,
Car l'heure est vn peu fortunee.
- 8 Il acquerra l'inimidyé,
Pour estre iuge sans pitié,
- 9 Il aura son prest au besoing,
Sans pource faire en prendre soing.
- 10 Certes ouy, car la fortune,
T'est fauorable & opportune.
- 11 Il a quelque vice caché,
Dont de long tens est entaché.
- 21 Tu as la fortune, & le tens,
Pour paruenir ou tu pretens.

- 1 Le tencest propre & agreable
D'auoir fortune fauorable.
- 2 La chose ou il tend n'est pas grande,
Aussi aura ce qu'il demande.
- 3 Tout ce qui est dans la nauire,
Viendra au port que l'on desire.
- 4 La mort n'aura sur toy puissance,
Sinon au lieu de ta naissance.
- 5 Ces deux icy (tant s'ayment fort)
Ne feront l'vn à l'autre tort.
- 6 Tes parens t'ont laissé seullet
Pour à iamais estre vallet.
- 7 Ceste n'aura affection
Au monde, aias à religion.
- 8 Le mois de Mars est plus propice,
Pour commeneer ton edifice.
- 9 Pour estre gracieux & doux,
Il se fera aymer de tous.
- 01 Iamais ne vous sera rendu,
Qu'il ne vous soit bien cher vendu.
- 11 De cest amour ne fais poursuite,
Le repentir est à la suyte.
- 21 Ce cheual n'est pas des meilleurs,
Il vous en faut pouruoir ailleurs.

- 1 Regardez à mont & à val,
Auant que prendre ce cheual.
- 2 Va t'en ailleurs, car pour cest'heure,
Fortune t'y fera meilleure.
- 3 Cestuy plus grand honneur merite,
Qu'il obtiendra à la poursuite.
- 4 Vous ne verrez de la sepmaine,
Ceste nef, car le vent l'emmeine.
- 5 Si en son pays a sepulture,
Certes sera grand aduenture.
- 6 Quant à la femme i'en fais doubte,
Mais l'homme est loyal somme toute.
- 7 Pour auoir liberté aucune,
Trop luy resiste sa fortune.
- 8 Ceste sera trop plus idoine
A vn mary, qu'avec vn moine.
- 9 Si tu en veux mon conseil prendre,
Ie te conseille encor attendre.
- 10 Ce iuge sera equitable,
Et toutesfois peu agreable.
- 11 La debte auras, elle est certains,
Mais ce ne sera pas sans peine.
- 12 Si ton honneur tu ayme & prise,
Ne poursuis point ceste entreprise.

- 1 L'heure n'est pas bien à souhait
Pour commencer quelque grand fait
- 2 Le mal vivant à ton siours craincte
De mal mourir, & par contraincte.
- 3 Qui de mal faire s'abstiendra,
Bonne fortune luy viendra.
- 4 Poursuys viuement cest office,
L'heure & le tens y est propice.
- 5 Ce pelerin a grand meschef
Viendra de son voyage a chef.
- 6 Il mourra de mort honorable,
Car bonne vie a fin louable.
- 7 Mieux te vouldroit dissimuler,
Qu'estre ialoux, ou le celer.
- 8 Dans certain tens guerir pourra,
Mais s'il renchoit il en mourra.
- 9 Le plus beau ieu que vous conseille,
Cest de dormir quant on sommeille.
- 10 Cest euure semble estre parfait,
Mais il ne fut iamais bien fait.
- 11 Cestuy en veult par tout chercher,
Prendre proffit & point prescher.
- 12 De bien payer a bon vouloir,
Mais le pis est qu'il n'a pouoir

- 1 Par son bon sens & diligence,
En brief aura de vous quittance.
- 2 On ne peult meilleur tens elire,
Pour commencer ce qu'on desire.
- 3 Si ta vie est bonne & loüable,
La fin en sera honorable.
- 4 Il ne fault point estre estonné
Si cest an es mal fortuné.
- 5 Ne tarde plus, car il est tens,
De pourchasser ce que pretens.
- 6 En tel endroi& il passera,
Qu'a iamais esclauẽ sera.
- 7 La mort du pecheur est mauuaise,
A peine mourras à ton aise.
- 8 N'aye aucun doubte de ta femme,
Car elle est bonne & sage dame.
- 9 Il guarira, traictez le bien,
Les medecins n'y feront rien.
- 10 Pour tous voz ieux en quelque lieu,
Ne perdez à seruir à Dieu.
- 11 Ce bastiment est bon & seur,
Il ne fault point en auoir peur.
- 12 Ce prelat duquel on deuise,
Est digne de plus grand' Eglise.

- 1 Cestuy pour dire en verité,
N'est propre à telle dignité.
- 2 Iamais bon payeur ne fera,
Ains tout son bien despensera.
- 3 On ne pourroit pire heure prendre,
Pour quelque grand euure entreprendre.
- 4 Apres la mort ou congnoist l'heur,
D'un personnage, ou le malheur.
- 5 Plaindre ne te doibz de fortune,
Si passes l'an sans perte aucune.
- 6 Pursuys, car cil qui a puissance,
T'en fera don sans resistance.
- 7 Combien qu'il soit robuste & fort,
Il est en danger de la mort.
- 8 Ton sort est de mourir par eaux,
Fuy les riuieres & ruisseaux.
- 9 On n'en viendra iamais à bout,
Tant qu'on l'ayt fait cocu du tout.
- 10 Il en mourra sans doute aucune,
Mais quoy, c'est chose à tous cōmune.
- 11 Il fait bon aller à la chasse,
Et suyre le lieure à la trasse.
- 12 Il n'est pas seur de s'y fier,
Mieux vaudroit le r'edifier.

- 1 Cest edifice a pris son ply,
Il est bien fait & accompli.
- 2 Il est digne de plus grand bien,
Mais que chastement viue bien.
- 3 Il a bien moyen de tout rendre,
S'il y vouloit vn peu entendre.
- 4 Cest' heure est bonne & agreable
Pour faire quelque euure louable.
- 5 De bien faire as tousiours enuie,
Ainsi bien fineras ta vie.
- 6 Pour cest an cy ie luy ordonne,
Que sa fortune sera bonne.
- 7 Ie te pry n'en faire poursuyte,
Car long tens seras à la suyte.
- 8 Si le pelerin estoit saige,
N'eust entrepris si tost voyage.
- 9 En ton liēt de mort douce & belle,
Defaudras comme vne chandelle.
- 10 S'il est ialoux c'est tresmal fait,
Car ell'n'a point vers luy forfait.
- 11 Il guarira pour ceste fois,
Qu'il se garde bien toutesfois.
- 12 Prenez esbat s'on m'en veut croire,
A bien menger, & à bien boire.

Pour

1. Pour ton esprit mettre à deliure
Tu ferois bien lire en vn liure.
2. Selon la matiere, l'ouurage
Est assez bon pour ton vſage.
3. Ce beau pafteur, de fon troupeau
Prendra, & la layne, & la peau.
4. L'auarice le tiendra ferre,
Dont fera dur à la defferre.
5. N'estimez point que d'vn iour l'heure,
Soit pire que l'autre ou meilleure.
6. Tu es mauuais subtil & fin,
En danger de mauuaife fin.
7. A peine paſſeras l'année
Sans aduenture infortunée.
8. Tu l'obtiendras fans reſiſtance,
Mais il te faut payer finance.
9. Ce pelerein ne faut attendre,
Il deuoit bien ſon congé prendre.
10. Cueur vaillant toute peine endure,
Et n'a ſoucy de ſepulture.
11. La ialouſie en ton cerueau
Te fera nommer Ian le veau.
12. Ce patient, quoy qu'on en die,
Mourra de ceſte maladie.

- 1 Il guarira finalement,
Moiennant le bon traictement.
- 2 Tirer de l'arc & l'arbaleste,
Est vn esbattement honneste.
- 3 Cest edifice en cest endroit,
N'est basty ne bien ny a droit.
- 4 Le peuple doit prendre à bonheur,
D'auoir vn tel prelat d'honneur.
- 5 Si sa fortune est bien menée,
Il fera quide ceste annee.
- 6 Pour commencer chose qui plaise,
Cest' heure n'est pas trop mauuaise.
- 7 Si son affaire bien ordonne,
La fin n'en peut estre que bonne.
- 8 L'an sera fascheux à passer,
Mais l'autre est pour recompenser.
- 9 Tu auras la faueur si grande,
Que l'on octroyra ta demande.
- 10 Cestuy est saige & bien appris,
Il n'a garde d'estre surpris.
- 11 Avant vescu iusqu'à son terme,
En son liest mourra ie l'afferme.
- 12 Il mescroit sans cause sa femme,
Qui ne merite tel diffame.

- 1 S'il est ialoux c'est à grant tort,
Sa femme est bonne & l'ayme fort.
- 2 Ce malade combien qu'il tarde,
Est pour mourir s'on n'y prent garde.
- 3 La paume, la balle, & la lice,
Donnent au corps grant exercice.
- 4 Tel bastiment porte la mine,
De tumber bien tost en ruyne.
- 5 Ce prelat n'est pas suffisant,
Il seroit mieux ailleurs duysant.
- 6 Tels gens on peut bien tenir quietes,
Ce sont payeurs de pommes cuyttes.
- 7 Cest' heure de soy n'est pas bonne,
Differe vn peu ie tel l'ordonne.
- 8 Tel bien heureux se repute estre
A qui l'on prepare vn cheuestre.
- 9 Ceste année sera muable,
Et la fortune variable.
- 10 Demande luy ce que voudras,
A ceste heute tu l'obtiendras.
- 11 Cest tresmal, pour faire vn voyage
Laisser sa femme & son meynage.
- 12 La sepulture est faite au corps,
Plus pour les vifs que pour les mortz.

- 1 Il mourra naturellement,
Ayant veſtu bien longuement,
- 2 A tort ſur elle es fantaſie,
Pis fera pour ta jalouſie .
- 3 Ceſtuy mourra, auſſi feront
Tous ceux qui pres de luy feront,
- 4 Avec les dames deuiſer
Eſt beuſieu, ſans en abuſer.
- 5 De ce logis l'achouement
Eſt meilleur que le fondement.
- 6 Ce prelat peut bien dire adieu,
Car il n'eſt digne d'vn tel lieu.
- 7 Ores qu'il en euſt le pouoir,
Iamais n'en fera ſon debuoir.
- 8 Ne commencez maintenant rien,
Si vous voulez qu'il vienne à bien.
- 9 La fin de l'homme eſt fort douteuſe
S'ell' fera bonne ou malheureuſe.
- 10 Apres auoir peine & foucy,
Bonne fortune auras auſſi.
- 11 Tu n'obtiendras à ton attente,
Si quelque amy ne te preſente.
- 12 Ce pelerin qu'on me recenſe
Viendra pluſtoſt que l'on ne penſe.

- 1) Ce pelerin n'en doubtiez point,
Reuiendra sain & en bon point,
- 2 S'on te poursuyva t'en grand erre,
Car tu doibs mourir à la guerra.
- 3 Ne faue pas croire vn faux rapport,
On est souuent ialoux à tort.
- 4 Il guarira, & en auant,
Sera plus sain qu' auparauant.
- 5 C'est ieu d'esprit que los eschez,
Mais que du tens ne vous falchez.
- 6 Ie n'en puis autre chose dire,
Simon que n'y treuve à rodire.
- 7 Cestuy est bon, saige & prudent,
Mais on a sur luy quelque dent.
- 8 Il payera sans nulle doute,
Aux crediteurs la somme toute.
- 9 Pour quelque chose encommencer,
Ie te conseille t'aduancer.
- 10 Si tu vis en homme de bien,
Iamais ne finiras que bien.
- 11 Soit en profit ou en honneur,
C'est au auras quelque bon heur.
- 12 L'heure n'est pas, quant à present
Bien propre, s'on ne fait present.

- 1 Si tu poursuis sans differer,
Tu l'auras i'en puis asseuer.
- 2 Cepelerin est en peril
D'estre à mort mis, ou en exil.
- 3 Il doibt mourir de mort estrange
Si sa fortune ne se change.
- 4 Ne metz riens en ta fantasie
A tort ou droit pour ialousie.
- 5 Il est (si remede on n'y donne)
En grant danger de sa personne.
- 6 La lutte, la barre, & l'escume
Rendent l'homme plus magnanime.
- 7 De cest œuure le fondement
N'est pas assez profondement.
- 8 Il ne faut point qu'il se desguise,
Mieux vaut aux armes qu'a l'eglise.
- 9 De tout ce qu'il empruntera
Iamais ne s'en aquitera.
- 10 Pour commencer ce qu'il propose
Cest' heure n'est pas bien dispose,
- 11 Souuent par vne faulse enuye
On pert & les biens & la vye,
- 12 Si tu as fortune qui plaïse,
En autre endroit l'auras mauuaïse.

- I Cestuy, selon sa destinée
Sera fortuné ceste année.
- 2 Ne t'attens point à la promesse,
On t'y fera quelque finesse.
- 3 Il auoit au voyage enuye,
Dont peut estre en perdra la vye.
- 4 Il mourra sans aucun secours,
N'ayant faiët son naturel cours.
- 5 Ne sois ialoux sans grand' raison,
Car on diffame la maison.
- 6 Il guarira quoy qu'il attende,
S'il a medecin qui s'entende.
- 7 Aux doux instrumens de musique
Un bon esprit souuent s'applique.
- 8 Cest euure ainsi paracheué,
Est bien fait & ben esleué.
- 9 Cestuy seroit assez propice,
S'il n'estoit si enclin a vice.
- 10 Il payra sans qu'on le moleste,
Et en aura assez de reste.
- 11 Cest' heure est bõne & bien heureuse,
Pour faire quelque euure amoureuse.
- 12 Qui bien fera bien trouuera,
Ou l'escripture mentira,

- 1 Il faut bien faire & viure, a fin
Que bonne vie ayt bonne fin.
- 2 Plus on a ſoing de ſa fortune,
Plus elle faſche & importune.
- 3 Faiſtz en toy meſmes la requeſte,
Tu auras profit à la queſte,
- 4 Ce peletin ſe maintiendra
Si ſagement, qu'il reviendra.
- 5 Laissez l'auarice mondaine,
Que ne mourez de mort ſoubdaine.
- 6 Ne ſois jaloux deſſus ta femme,
Qu'on ne t'en dōne plus grand blaſme.
- 7 Iamais ne fera longue traicte,
Si plus ſagement ne ſe traicte.
- 8 Cartes & dez ſont trop coleres,
C'eſt pour gens dignes de galleres.
- 9 Ceſt euure eſt faiſt ſubtillement,
Et durera fort longuement.
- 10 Ce prelat eſt de grant prudence,
Et de tres-bonne conſcience.
- 11 Il payra tout quoy qu'il s'abſente,
Et n'y perdra lon que l'attente.
- 12 Si tu es homme de raiſon,
Tien toy ce iour en ta maiſon.

- 1 L'euure dont mention est faicte,
Ne sera pas du tout parfaicte.
- 2 Cestuy n'est pas beaucoup aymé.
Mais mal voulu & fort blalmé.
- 3 Ce qu'il attend il obtiendra,
Par vn bon heur qui luy viendra.
- 4 En quelque endroit qu'il vueille aller,
Toufiours fera de luy parler.
- 5 Pour estre moyne ou bon meffire,
On le fera comme de cyre.
- 6 La melancolie & tristesse
Luy abbregeront sa ieunesse.
- 7 Il pensera plus à richesse,
Qu'en guerre auoir bruyt & prouesse
- 8 Cestuy cy trainera long tens,
Et ne guarira qu'au printemps.
- 9 Pour bien acomplir vn messaige,
Ce messaigor n'est gueres saige.
- 10 Sa pensée à bonne fin tend,
Pouysuyue, aura ee qu'il pretend.
- 11 C'est vn prelat de maugouerne,
Qui n'est bon que pour la tauerne.
- 21 A tous sera mal gracieux,
D'estre trop auaricieux.

T

- 1 Il sera large & liberal,
Ayant le cuer noble & Royal.
- 2 Ceste chose finalement
Se parfera louablement.
- 3 Cestuy n'est ennemy d'aucun,
Mais a la faueur d'vn chascun.
- 4 De l'esperance m'esmerueille,
Que c'est le songe d'vn qui veille.
- 5 Ailleurs aura ce qu'il soubzhaite,
Mais en son pays nul n'est prophete.
- 6 Trop a l'esprit haut & volaige,
Pour prendre vn froc pour heritaige.
- 7 Il n'aura fascherie aucune,
Par accident ne par fortune.
- 8 Cestuy sera homme de fait,
De bon conseil & grand effect.
- 9 Que de son mal ne soit marry,
Assez a tens sera guarly.
- 10 Ce messager est bien discret,
Fidele loyal & secret.
- 11 Point ne demeure en beau chemin,
Puis que fortune tend la main.
- 12 Il sera de si bon affaire,
Qu'il ne pourra que tout bien faire.

1 Cestuy n'est pas pour gouverner
Qui veut tout prendre & riens dōner.

2 Ainsi despendra ses deniers
Que s'il en auoit plains greniers.

3 Ce que tu as determiné
Ne sera pas a chef mené.

4 Il a grant nombre d'ennemis,
Sa fortune ainsi l'a permis.

5 Qui trop entreprenent & conçoit,
Son esperance le deçoit.

6 Tu auras honneur & puissance,
Au propre lieu de ta naissance.

7 Sa nature est melancolique,
Et propre a l'estat monasticque,

8 Quelque fortune accidentale
Aduancera sa mort fatale.

9 Cest enfant sera sans fainctise
De grand prouesse & vaillantise.

10 S'il n'y donne ordre promptement,
Sera malade longuement.

11 Ce messaiger est langaiger,
De s'y fier y a danger.

12 Ton esprit tend à haulte chose,
Point ne fera ce qu'il propose.

T ij

1 Ce qu'a present ton cueur pretend,
Se doit pour fuir comme il l'entend,

2 Sa prouidence sera bonne^e
Si volupté ne le destourne.

3 Sur tous sera en general,
Fort magnifique & liberal.

4 Cest euvre mais qu'on y entende,
Se parfera, quoy qu'il attende.

5 Pour le bien qui en luy abonde,
Il est aymé de tout le monde.

6 Il obtiendra sans contredict,
La chose que son cueur luy dict.

7 Ce te sera bien le plus court,
Pour paruenir d'aller en court.

8 Pour estre vn gros abbé-profex,
Il en portera bien le faix

9 Il n'aura riens qui le deuye,
D'acheuer son vray cours de vie,

10 Cest enfant n'est pas né aux armes,
Mieux aymera suyure les dames.

11 Il guarira sans arrester,
Mais qu'il se face bien traicter.

12 Il est assez bonne personne,
Mais que par force on ne l'estonne.

1 Je t'assure du messager,
Qu'il n'est point sot ne mensonger.

2 Donne toy garde sagement
D'entreprendre rien follement,

3 Il gouvernera sagement,
Dieu luy doint viure longuement.

4 Il ne fera pas grant despense,
De peur d'auoir quelque indigence.

5 Cest euvre se parfera bien.
Par bon esprit & bon moien.

6 Cestuy est si fort a blasmer,
Qu'a peine on le pourroit aymer.

7 De trop esperer c'est sottie,
Suffise d'en auoir partie.

8 Plus d'honneur auroys a la guerre,
Qu'estre fait neant sur ta terre.

9 Ce n'est pas sa complexion,
De viure en contemplation.

10 Il mourra par son propre fait,
Pour quelque cas qu'il aura fait.

11 Il n'aymera gueres la guerre,
Mais viure en pays dessus sa terre.

12 S'il ne s'efforce & prent vigueur,
Il sera long tens en langu eur.

T

- 1 Elle sera quoy qu'on en die,
Fort longue ceste maladie.
- 2 Ce messager est bien loyal,
Fiez vous y sans penser mal.
- 3 Ton entreprise est vertueuse,
Poursuys, la fin sera heureuse.
- 4 Il fera si bien son debuoir,
Qu'il en doibt grant honneur auoir.
- 5 Il despendra beaucoup du sien,
Mais tout a honneur & a bien.
- 6 L'heure ou tu as affection,
N'aura iamais perfection.
- 7 Pour bien aymer on est aymé,
Pour bien faire on est estimé.
- 8 Ce qu'il espere tost ou tart
Aduindra, aumoings bonne part.
- 9 Il n'a de vertu aucun signe,
Aussi d'honneur n'est pres ne digne.
- 10 S'il est merqué ou mal adestre,
C'est son cas de le faire prestre.
- 11 Garde toy bien de paillardise,
Tu n'auras riens qui plus te nuysse.
- 12 Cestuy aura sur tous le bruyt,
D'estre vaillant & bien instruiet.

- 1 C'est enfant s'il est bien instruit,
Par sa prouesse aura bon bruyt.
- 2 Si ceste maladie est griefue,
Aussy pour vray el' sera briefue,
- 3 Je le vous puis certifier,
Qu'il n'est pas seur de s'y fier,
- 4 Tu entreprends trop de leger,
Garde d'en tumber en danger.
- 5 Nul ne pourroit gouruerner mieux,
Mais qu'il n'ayt ailleurs trop les yeulx.
- 6 Riens de ses biens qu'il gaignera,
A ses amys n'espargnera.
- 7 L'euure aura son acheuement,
Sile seigneur vit longuement.
- 8 Sois en tes affaires veillant,
Car tu n'es pas sans malueillant.
- 9 De ce que fol pense souuent,
Autant en emporte le vent.
- 10 Si cestuy doit honneur acquerre,
Ce sera en estrange terre.
- 11 Qui religieux le feroit,
En brief son froc delaisseroit.
- 12 Par nous la fin s'aduanee ou tarde,
Qui s'en peut garder si s'en garde.

- 1 Pour faire excès presque tousiours,
Bien fort aduanceras tes iours.
- 2 Aux armes ne sera idoine,
Il vaudra mieux le faire moine,
- 3 Il ne vous en faut riens mentir,
Il s'en pourra long tens sentir.
- 4 Cestuy est conuoiteux d'argent,
Et si n'est gueres diligent.
- 5 Poursuys hardiment l'entreprise,
A bonne fin ell' iera mise.
- 6 S'il ne se garde d'avarice,
Iamais ne fera bien l'office,
- 7 Il sera tant chiche & auare,
Qu'il n'aura dieu que le denare.
- 8 Commencez tant qu'il vous plaira,
Tel euure ne s'acomplira.
- 9 Tu es trop fascheux (dire i'ause)
Si lon te hayt tu en es cause.
- 10 Son esperance luy faudra,
Du tout rien ne luy aduiendra,
- 11 En quelque lieu que cestuy aille,
Il n'acquerra honneur qui vaille.
- 12 Qu'il soit plustost prestre ou chanoine,
Car seroyt vn diable de moine.

Il a plus

- 1 Il a plus grand' deuotion,
Au monde qu'a religion.
- 2 Si l'auarice te domine,
Pour certain sera ta ruyne.
- 3 On peut iuger des son ieune aage
Qu'il sera vaillant personnage.
- 4 S'il est ieune en brief guarira,
S'il est vieil long temps languira.
- 5 Il est fidele messaiger,
Mais il est vn peut men songer.
- 6 Commence & poursuis viuent,
A chef en viendras briefuement.
- 7 Si prudemment gouvernera,
Que chascun s'en contentera.
- 8 Il vsera toute saison
De sa richesse par raison.
- 9 Cest euure a tens s'acomplira
Dont le seigneur s'esioyra.
- 10 Tu es, qui me rend esbahy,
De tous aymé de nul hay.
- 11 Ce qu'il espere il obtiendra,
Ou la fortune luy fauldra.
- 21 Iamais n'acquerra grant loyer,
Pour demeurer en son foyer.

- 1 A grand honneur ne parviendra,
Voyse en quelque lieu qu'il voudra.
- 2 Cestuy ayme mieux le butin.
Et les armes, que le latin.
- 3 Il est paistry de bonne paste,
Il n'y a chose qui le haste.
- 4 Cestuy sera humain & doux,
Et preux aux armes dessus tous.
- 5 La maladie qu'on propose,
A long temps durer se dispose.
- 6 Ce messager fait bonne mine,
Garde toy bien qu'il ne t'affine.
- 7 Ie te conseille laisser tout,
Car n'en viendras iamais a bout.
- 8 Ce prelat n'est pas en effect,
Pour iamais faire vn seul beau fait.
- 9 Eust il d'escez plaine maison,
Il les despendra sans raison.
- 10 Cest euure ainsi que tu l'entens,
Ne s'acomplira de long tens.
- 11 Tu feras tant que tes amis,
En fin seront tes ennemis.
- 12 Frustré sera de ce qu'il pense,
Mais il en aura recompense.

- 1 Il obtiendra si peine y mect.
Ce qu'esperance luy promet.
- 2 Il acquera assez d'honneurs,
En son propre pays & ailleurs.
- 3 S'il ne vaut riens faictes le moyne,
Il y fera propre & idoyne.
- 4 Le grand trauail labour & peine,
Abbregera sa vie humaine.
- 5 Cestuy sera bien de la taille,
D'aymer mieux danses que bataille.
- 6 S'on le veult tost faire guarir,
Le faut promptement secourir.
- 7 Cestuy est loyal & fidele,
Diligent comme vnearondelle.
- 8 Pursuys car bien succedera,
Et la fortune t'aydera.
- 9 Il gouuernerait sagement,
S'il pouuoit viure chastement.
- 10 Il vsera de sa largesse,
Selon sa puissance & richesse.
- 11 Ceste chose se passera,
Qui bien son debuoir en fera.
- 12 Il n'a point si grans ennemis,
Que s'il veult il ne face amis.

- 1 Tu n'as ennemy apparent,
Si ce n'est vn proche parent.
- 2 De cest espoir ne te contente,
Tu parviendras a ton attente.
- 3 Cherche l'honneur en terre estrange,
Car en ton pays n'auras louange.
- 4 Ceste ieunesse est bien apprise,
On luy faict tort s'on la desguise.
- 5 Mais que bien viuant se maintienne,
Ne luy chaille quant la mort vienne.
- 6 Il sera voluntiers de ceux
Qui sont couardz & paresseux.
- 7 Ce malade certainement
Sera guary prochainement.
- 8 Ce messager dont tu t'enquiers,
Parfera bien ce que requiers.
- 9 Ceste entreprise est fort doubteuse,
Je crains la fin n'en estre heureuse.
- 10 Si sagement se maintiendra,
Que sur luy exemple on prendra.
- 11 Plus liberal que sa puissance,
Ayant de son bien ioyssance.
- 12 Si plus grant peine tu n'y mettz
Il ne s'accomplira iamais.

F I N.

Natus,
 I. Maison.

 Vincit,
 II. Maison.

 Fratrem,
 III. Maison.
 R A N G
 Pater,
 IV. Maison.
 D E S
 Filium,
 V. Maison.
 S
 Infirmus,
 VI. Maison.

 Vxorem,
 VII. Maison.
 M A I S
 Mors,
 VIII. Maison
 O N
 Ambulat,
 IX. Maison.
 S
 Regnat,
 X. Maison.

 Fortuna,
 XI. Maison.

 Incarceratur.
 XII. Maison.

I	I 3	25	37
2	I 4 2	26	38
3	I 5	27 3	39
4	I 6	28	40 4
5	I 7	29	41
6	I 8	30	42
7	I 9	31	43
8	20	32	44
9	21	33	45
10	22	34	46
11	23	35	47
12	24	36	48

RANG DIS CIVES

1	13	25	37	49	61	73	
	14	26	38	50	62	74	
	15	27	39	51	63	75	
	16	28	40	52	64	76	
17	29	41	53	65	77	8	
18	30	42	54	66	78	9	
	31	43	55	67	79	9	
	32	44	56	68	80	9	
33	45	57	69	81	9		
34	46	58	70	82	9		
35	47	59	71	83	9		
38	48	60	72	84	9		



